

四庫全書

子部

欽定四庫全書

子部

萬姓統譜卷六十四  
六

詳校官中書臣徐志晉

主事臣祁韻士覆勘

總校官知縣臣楊懋珩

校對官中書臣李 棻

謄錄監生臣郭洽怡

欽定四庫全書

萬姓統譜卷六十四

明凌迪知撰

下平聲

十二侵

金

彭城角音少昊  
金天氏之後

漢

金日磾

字翁叔張掖人休屠王子沒入官武帝奇其狀貌拜為侍中賜姓金氏嘗欲納其女于後

官日磾不肯後為車騎將軍與霍光同受遺詔輔政著忠貞之節封柁侯卒謚曰敬二子賞建

昭帝時俱為侍中賞嗣侯爵

金禕

字德偉京兆人自以代為漢臣乃發憤與耿紀韋晃欲挾天子以攻魏南援劉備事敗夷族

金倫

日碑弟字少卿為黃門郎子安上安上子四常敵岑明敵元帝時為侍中與蕭望之周堪劉向

同心謀議敵之子涉成帝時拜侍中涉從弟欽平帝時為京兆尹遷光祿大夫侍中

金欽

平帝選置師友欽以家世忠孝為金氏友

金安上

日碑姪少為侍中惇篤有智封都成侯子敵為侍中為人正直敢犯顏色左右憚之

金彥

東漢人以金贈王忱得美

南金祚

安定人性驍勇尚氣俠仕魏以軍功至大中大夫歷東雍州刺史討仇池氏楊紹先子百頃還

封安定縣公

唐金堯恭

寶歷中為上虞令于縣西北置  
任興湖及黎湖溉田二百餘頃

宋

金安節

休寧人日記千言博洽經史宣和中進士調  
新建主簿紹興初累官至吏部侍郎權尚書

兼侍讀嘗拒秦檜排淵觀堅如金石孤立無黨  
死生禍福曾不一動其心所著有文集三十卷

奏議表疏  
周易解

金極

樂平人紹聖初舉進士累遷知分宜有能名上  
書乞斬蔡京以謝天下坐是入元祐黨黨禍解

適意閑曠以市隱自號扁其廬曰醉鄉記曰裂  
地受封包括齊楚猶不以為足然樂未久而憂

繼之其任  
達如此

金彥

邵陽人力學善屬文天資敦厚喜賑困窶而悖孝  
友郡人號義門金氏後奉詔舉孝廉為闕

金文剛

字子潛安節孫敏悟嗜學用遺恩補將仕郎調潭州司戶時真希元帥潭得文剛喜其端

厚由是受知遂為真氏門人歷知閩新縣通判興國軍監左藏及封樞庫出知閩江軍常德府

遷太府丞浙西提舉將作監後直龍圖閣卒文剛莊重修潔燕居如肅賓莅官嚴明求民利病

如嗜欲所至以崇教化為先自少至老持身制行益力寶祐間真魏二公得罪去門人或更名

他師文剛獨音問不絕舉步出言一以文忠為準又嘗置祭田立義莊畫為定式俾世守焉

金葵

字景陽休寧人父端臣紹興間進士更調臨安府錄事參軍卒葵方七歲哀慕如成人事母孝

謹登淳熙間進士刑部右科省元入翰林賜監進奏院改監諸軍糧科院遷太常簿後知建昌

軍總督兵務有功受白金紵幣之賜進秩為司農寺丞慶元間同知樞密院事嘉泰初以病乞

歸卒  
于家

金從龍

字誠之嘉定間進士知涪州樂溫時敵寇犯蜀有將王全者擁兵入境從龍任供餉留戍

守邑賴以全魏了翁西歸見樂溫歸然獨存大嘉稱賞改知瀘州納溪兼通判未幾寇大至力不能支竟死事聞贈且蔭以嘉之

金淵

臨安人嘉定中進士歷官右正言兼工部侍郎國子祭酒遷諫議大夫禮部尚書進端明殿學

士簽書樞  
密院事

金景文

字唐佐蘭谿人事親孝親歿廬墓夜有五色彩燭射墓上人以爲孝感所致咸淳間知

縣事沈應龍以景文及陳天隱董少舒名請于朝立碑建祠于學宮之後名三賢堂

金君卿

浮梁人舉進士累官至度支郎嘗著易說有文集十五卷

金若洙

字子方休寧人受書于程若庸弱冠擢寶祐間鄉薦官點江縣令宋亡不仕歸築東園隱

讀其間所著有東園集四咏吟編性理字訓集義

金革

字貴從休寧人咸淳間武舉進士授武岡新寧簿廉謹自持嚴于撫輯其地蠻獠雜處民賴以

安邑有大囚積久不決憲使文天祥委以詳獄一驗得實文嘉嘆欲薦用之革固辭退老于家從孫赫翁有志略以薦仕元為大丞相府咨議參軍

金應

吉水人為文丞相書史丞丞相勤王入京又從詣元營被留及逃入真州丞相見疑於制置李

庭芝被逐欲趣通州尚五百里何由而達與其死即有哨此去通州尚五百里何由而達與其死於



途不如死揚州且猶冀未必死丞相遂夜趨高  
郵失道應為哨兵所執解所懷金與之獲免乃  
復趨通州狼狽道途備嘗艱苦至通州以  
憂鬱病死莫城下丞相有集杜詩哀之

元

金履祥

字吉父景文曾孫少以經世志師事王柏講  
貫精詳踐履誠篤宋末以史館編修召不及

用而國亡遂隱居著書以淑後進所著有大學  
疏義尚書表註通鑑前編論孟考証中庸標註

仁山  
文集

金似孫

字叔肖其先在宋為富家自少雋敏強記工  
舉子業文科既廢遂一用於詩清新警拔有

思致善諷切人又傲俗寡交好使酒多與人忤  
既鬱不施家事並落感激悲憤一發於賦詠吳  
師道稱其負才不屑於俗殆古之所謂捐者

金希說

襄陽人仕為內臺御史博通經史善屬文弟希舜亦有文名

明金幼孜

名善以字行新淦人洪武末舉進士永樂初授翰林檢討入內閣累官至太子少保禮部

尚書歷事累朝論思獻納多所裨益文章豐暢為人所愛重眷遇雖隆而自處益謙卒贈少保

諡文靖

金綱

嘉興人元舉鄉試洪武中歷蕪州守百姓苦官民田則不齊里胥為奸綱上疏請減重額得罪

賜死子穎伯從武林俞紫芝遊邃於經學工書為人清介雅飭學者宗之孫公綬新樂知縣

金文徵

字德儒讀書工古文辭洪武初辟為縣學訓導庚戌領京聞鄉試第二赦免會試授鄜州

同知鄜境接川蜀素號難理文徵優為之時同邑黃綜知中部常熟張著知膚施與文徵皆延

安官屬公餘以詩唱酬名長安集仕終國子學  
錄從兄珉元季訓導長洲洪武中為國子助教

亦有  
文名

金朝興

巢縣人元季兵起集眾保鄉里尋以兵來歸  
以功累陞都督僉事西平羌戎屢著勲績封

宣德侯征雲南卒于會  
州追封沂國公諡武毅

金師古

錢塘人洪武初知分水縣修築壇壝教  
民播種後陞永州府同知民思之不忘

金雍

洪武初知清豐縣博學多才為政有惠愛時兵  
燹之後撙節財用修舉廢墜勸課農桑期年之

間民皆安  
生立業

金華

字宗實鄞人洪武間從成燕山衛值文皇靖內  
難守通州有功召見時弟忠以近幸授兵部尚

書上欲推恩與華辭不就賜歸徙東湖韓嶺居焉足不履城府日坐斗室寄情經史手點書萬餘卷至老不懈遇朋從往來詩酒為樂興至泛舟湖上釣月吟風竟夕而還後弟迎養於金臺官舍未決旬謂曰萬鍾之富其如我湖山樂何遂拂袖而歸永樂乙未忠卒復召見賜白金文綺華伏闕謝曰臣布衣野人不敢用此上稱為優叟一日讀宋鑑至王倫附秦檜事撫掌發歎脫頤而逝人稱為白雲先生

金忠

鄞縣人以下衛入燕府從北平有功永樂中為兵部尚書兼詹事府事為人慷慨濶達負氣義每被顧問知無不言尤博于史學謚忠襄

金純

字文明泗州人由太學生推吏部文選郎中能聲薦陞江西北政司叅政召為刑部侍郎尋

陞禮部尚書致仕

金濂

山陽人永樂中由進士任御史有風裁陞陝西按察副使轉右僉都御史鎮寧夏尋陞副都御史

史召拜刑部尚書時閩中盜起命將討之濂參贊軍務竣事進太子太保兼戶部尚書卒追封

沐陽伯謚榮襄濂嚴明剛果獄無淹囚善于籌策國計以死

金問

字公素吳邑人少學易文行敦茂兼工松雪書永樂元年被薦為司經局正字後坐繫十年講書

誦不輟洪熙元年宥出授翰林侍讀學士禮部左

侍郎卒

金彥文

休寧人生三歲喪父七歲舅奪母志祖子高撫育成童家貧採薪負米以資甘旨祖歿

其盡禮母寡居迎歸孝養母病齋禱願以身代  
母遂愈母卒哀毀逾禮廬墓三年朝夕哭泣忽

一夜虎過不言明日人觀其  
跡驚異永樂間詔旌其門

金寔

開化人有文行尤長於詩歌大學士楊溥深重  
之永樂中歷官翰林春坊陞衛府左長史有文

集行

世

金獻民

字舜舉綿州人登進士歷官湖廣按察使為  
政剛明不避權幸以忤逆瑾罷官尋召入內

臺進都御史刑部尚書仍掌院事事持大體不  
事瑣屑糾劾彈舉臺中肅然進兵部尚書嚴明

精察序次武  
籍犖然不紊

金潤

字伯玉上元人年十二能賦詩正統間舉鄉貢  
授兵部司務才敏有識時銜喇特入寇上欲親

征潤白于尚書卿楚曰細事未可重煩車駕又  
請于王朔胡濛力上疏不報值變後為少保于  
謀所重每語議故終進去京師晏然推南安知  
府政暇彈琴寫畫賦詩以子貴乞休家居號洞  
友天十

# 金湜

字本清號太彥生鄧人幼有異質甫髫髻能詩  
誦長益宏肆漁獵墳史中正統辛酉鄉試以習  
古書法授中書舍人待詔文華殿陞太僕寺丞  
時監牧者多以墨敗草息日耗士恥居之湜獨  
奮曰貪泉豈能汚廉士耶即日乘傳詣部釐別  
宿姦風節琅琅圉人相顧駭曰此鐵漢也憲宗  
即位敕賜一品服使朝鮮朝鮮雅尚文學凡中  
國使至必求詞翰嘗之湜即席數十篇立就其  
國素號才俊者輒吐舌不敢出語因請湜所經  
歷題詠刻之名皇華集還朝乞致仕屢徵不起

居閏二十年足不一跡公府操弄觚翰篆隸行草綽有漢晉人風度澁事親以孝聞居喪盡禮中書時以書法薦弟溥仕至池州守與諸弟姪分田宅讓肥美人以是高之

金紳

字縉紳潤之子景泰甲戌進士改庶吉士授刑科給事中時同張寧上章疏每有獻替極被寵遇數賜果餌進都給事中南京大理少卿刑部右侍郎性果餌進都給事中南京大理少卿刑部

識者

金澤

字德潤鄞人成化丙戌進士授刑部主事改南歷任郎中獄獄明允遷四川叅議播州宣慰厚饋以金幣殺然麾之至以庶長奪嫡竟寘之法變賊野王剛鼓衆猖獗充斥湖陝上命三省督兵會勦澤下重賞之令竟磔剛于市歷陞廣東布政使百廢具興無何賴冠陸梁宮于近地命



澤為右都御史巡撫江西總制閔襄南廣便宜從事澤振勵風紀嚴明節制一不如命輒斬以徇徭獠諸蠻靡不聞風向化民至今稱保障焉

金爵

字良貴四川人謙約易諒成化中知鄞縣事平易守法節賦省刑居官無赫赫名而下民愛之

如父母時郡多虎獨不入境人以為德化下感都御史劉敷奏其績擢太僕丞以去子獻民拜刑部尚書諸孫官皆侍從人謂爵盛德昌後云

金燠

字懋光嘉定人為人朴魯無威儀而心跡光明不失為君子人有非義輒正言排之無所避忌

尤長於史學嘗輯諸史會編一百一十二卷巡撫李公克嗣為之梓行又作歷年甲子圖仕為

象山訓導

金洲

父字士敦嘉定人少有志於聖賢之學性至孝事

禮處昆季尤極友愛嘗知永康清廉仁愛一毫不

不以煩民入覲抵京以病目改國子助教復出

主而析邑不任勞瘁忽嘔血而卒其學以誠敬為

平生無泛交惟於崑山魏莊渠執弟子禮而

交於蔡希顏夏敦夫學者稱為沐齋先生

金約

字用博休寧人性溫醇力孝好義雅字孤幼迪

後學無倦正德丁卯鄉薦母老疏乞教職就養

得署河南唐縣教諭士風丕振無何流賊猖熾

遇城邑輒衝突門圍官軍無敢誰何約方集諸

生為有司築城守具且身先荷戈乘城賊伏射

中項右即令人以刀取鐵奮激愈勵堅守彌月

賊知有備因夜遁得不陷事聞詔褒其忠義遭

母憂服闋補江西信豐縣學以節行文章起人

敬服尋陞國子  
助教卒祠名宦

金琇

江都人正德初知保康縣廉介正直吏民不敢  
犯時歲祲兵擾民將竄去乃推誠撫安之民始

樂業尤加意學校待士以  
禮文風漸興足為良牧

金貴身

字汝白臨海人正德甲戌進士歷按察使立敬同科  
子立愛嘉靖庚戌進士歷按察使立敬同科

進士歷府尹立相癸  
丑進士歷兵部郎中

金克厚

仙居人由進士嘉靖三年任六合縣知  
縣溫雅忠厚有長者風歷工部郎中

金達

字德孚浮梁人嘉靖丙辰進  
士第三會元歷國子司業

林

西河宮音殷比干子堅逃難長林山因  
氏又平王庶子林開之後又望出南安

周林皋

為趙相生九子國人號九龍王聞而嫉之今日欲幸諸國擇其木泉繁者伐之皋曰此王殺我

父子也遂棄職攜家入白雲山王曰善哉

林回

見莊子

林放

字子立魯人嘗問禮之本孔子以時方遯末而放獨能有志于本故稱之曰大哉問後世追封

長山侯

漢林閭

臨邛人善學博古自古天子有輜車之使由漢以來儒者但聞其官不詳其職惟閭與嚴君平

知之曰此使考八方之風雅九州之異同使天子居高堂而聞天下也揚雄聞而師之

林尊

濟南人事歐陽高治尚書為博論石渠官至少府太子太傅

唐

林諝

閩縣人博學善屬文隱居不仕作閩中記十卷

林披

字茂明莆田人讀書一覽即記李栖筠薦授太子詹事子九人俱為刺史號九林而諝操尤知

名

林攢

字會道莆田人貞元中為福唐尉居母喪水漿不入口者三日既葬有白鳥甘露之祥事聞詔

立雙闕旌其孝今子孫居縣之孝義里號闕下林家居

林勗

字公懋閩縣人大中五年以開元禮登科為吉州刺史有清操飲吉水而已丁家艱復起為吉

州刺史扶滿終于家

林蘊

披子兄藻貞元中進士累官侍御史蘊為西川節度推官劉闢反蘊以逆順諭之闢怒欲殺之

命行刑者以刀磨其頸脅之蘊罵曰死即死吾頸豈頑奴砮石耶聞知不可屈釋之

林慎思

字度中莆田人咸通中登第復中宏詞科歷官秘書省校書郎與平尉陞尚書水部郎中

後為萬年縣令會黃巢陷長安迫以偽祿不屈罵賊而死所著有續孟子書二卷伸蒙子集三卷議論明切成一家之言郡邑並祀鄉賢

林簡言

字欲納福清人大中間及第時羅讓為廉帥簡言奏納福清人大中間及第時羅讓為廉帥

州徐公以相國免一鄉今福唐林公以  
上第免一族不亦宜乎官終漳州刺史

林鷗

字祥鳳長樂人開元中第進士為倉曹參軍嘗捐已田開濱閭湖以溉民田而其妻趙氏亦捐

人號曰林婆湖  
登田助之至今鄉

林郇陽

閩縣人累舉不第以博通三史應詔入內侍講授廷尉平丁艱歸以孝聞時庶帥羅讓深

加禮異終潮州刺史

五代林安

福清人事母孝母死廬墓旁有石自裂而湧泉閩王異之以其廬為湧泉寺六世孫正華當宋

時亦以孝行聞故世稱湧泉人小孝子云

林無隱

閩人有詩名寓居明州之慈谿大隱村子鼎善屬文能書仕吳越官至丞相有文集數十

卷

林仁肇

建陽人剛毅有膂力初為閩將閩亡歸南唐周世宗征淮南仁肇出拔壽州斬獲甚衆官

至洪州節度使仁肇雖居將任帝與士卒均食同服故得其心

林鼎

字洪文，慈谿人。夜讀書，每達曙，善屬文，能書。得歐陽虞法，所聚圖書悉由手抄。仕吳越，自鎮海

軍節度判官累遷至丞相性謙正政事有不逮者必極言之所著有文集卒謚貞獻

宋

林緒

唐殿中侍御史藻六世孫也五代末杜門避世嘗慕陶靖節嚴光之為人窮索古典脫屣於功

名之達大中祥符七年詔舉草澤州郡以緒應舉詔書云朕網羅遺逸崇獎風化苟一善之可

稱俾釋巾而筮仕以爾居閩越之俗為鄒魯之儒頗飭行藏聞於鄉黨宜覃麗澤往教州庠特

授將仕郎  
本軍教授

林逋

字君復錢塘人少孤立志為學性恬淡好古弗趨榮利善行書喜為詩多奇句不存稿或勸錄

之逋曰吾方晦迹安用名世仁宗時卒賜諡和靖先生賻以粟帛居西湖二十年未嘗履城市



適不娶無子教兄子宥登進士  
宥子大年英宗時為侍御史

林廣

萊州人以捧日軍授內殿崇班從環慶蔡挺麾下屢與夏人戰大捷韓絳奏為本道將環慶兵

叛廣諭以逆順皆投戈聽命遷英州刺史討瀘蠻乞弟每戰必捷乞弟求降廣發仗擊敗之得其種落三萬班師至閩鄉卒廣有風義輕財好施長於料敵損益八陣圖撰約束百餘條邊地多用之

林杞

字卿材南安人天聖中第進士歷知康雅泰濶四州在泰修築海埭復良田數千頃使者上課

為淮南第一濶州圭田歲入之外例輸縑六百祀曰田種五穀絹何從出耶却不受抗章請老

卒年九十

林舍

共城人早舉進士為大理評事年三十掛冠與  
撫軾同年軾有書云先生熙朝及第壯志休官  
以節志推之賢  
于淵明遠矣

林槩

字瑞父福清人舉進士知長興縣值歲大饑槩  
出俸粟誘富人以飼饑者歷知連州淮安軍官  
至太常博士集賢校理著  
史論百篇辨國語四十篇

林巽

字巽之海陽人天聖中應才識兼茂明于體用  
科對策鯁切忤權貴主司不敢取慶厯中投匭  
論事仁宗異之授徐州儀曹不就南歸讀易著  
書八篇曰卦元卦卦經卦緯叢辭起律吹管範餘  
叙和總名曰易範人稱為  
草範先生有文集若干卷

林積

字公濟劍浦人嘗入京師至蔡邕席下得一囊  
北珠數百顆詢之主人知巨商宿此積曰此吾

故人令來上庠相訪商後訪積積悉歸之慶厯中第進士補循州推官子德新為吏部侍郎

林從周

潮州人登進士第累官浙東提點刑獄林之族列于衣冠者十有七人從周其始也及卒

其壻余靖  
銘其墓

林從世

初為福州長樂人性好博濟因挈家貲遠遊治平間至莆見同邑錢氏女築陂於將軍巖

前弗克成功乃相漢下流於上杭溫泉水口築陂捐貲十萬緡以給其役時人因號之曰林十萬陂垂成不能勝潮勢之衝激隨潰至候官李宏築木蘭陂始克成功然實由錢氏及從世以開其先也故邑人立祠陂上與錢氏李宏俱春秋祀焉

林旦

字士明槩之子舉進士為監察御史裏行累遷殿中侍御史甫莅職即上疏言蔡確章惇既去

欽定四庫全書

萬姓統譜  
卷六十四

三

其餘黨常懷醜正惡直之心願深留宸慮以折邪謀遂論呂惠卿鄧綰乞投散地以謝天下官終河東轉運使子庸坐元符上書陷於黨籍

林殆庶

字希顏職方員外郎辨之子舉進士累官度支員外郎秘閣校理知明州殆庶淳懿孝友

士大夫多重之第四人太素舉進士為相州節度推官太徵亦舉進士為殿中丞太易為永嘉

縣丞太蒙為興化縣丞累葉替紱照映子弟彬彬好學號稱德門

林石

字介夫瑞安人時王安石新經盛行石獨以春秋學教授鄉閭學者稱塘與先生獨

林敏功

字子仁鄆州人治春秋下第歸杜門不出者二十年博通五經尤長于詩元符末詔徵不

赴賜號高隱處士與其弟敏脩所居比鄰終老以文字相友善敏脩終身不舉進士世號二林

林伸

字伸之攢之後第嘉祐進士熙寧中調永靜幕官內侍程昉建屯田實邊之策議開舊河新蒔

蘆河于孟家口遂為都水使者滄景德棣俱被其害伸條其利病以聞坐謫一官

林冲之

莆田人元符進士靖康初以主客郎中副陳過庭使金被拘執逼仕劉豫不屈徙顯州北

之地冲之以義命自安髭髮還黑病革語同難者曰某年七十二持忠入地無所恨恨國仇未復耳一慟而絕

林深之

字原叔諱五世孫也擢熙寧九年進士調松溪尉南劍州錄事叅軍侍御史張汝賢察訪

閩部見建劍訟牒堆積委深之理之時他郡連起大獄追逮相屬于道二州獨賴深之以免改

知下邳縣秩滿以朝奉郎知開封府都廂致仕贈通議大夫

林保

字庇民鄞人登上舍第兩從廣西帥壁掌管機宜文字時將士率俘平民冒賞保數正之家居

十餘年著中興龜鑑上之高宗賜書褒美紹興七年除提舉江東常平茶鹽九年入為國子監

丞遷北部郎脩定明州鄉飲酒禮頒行天下

林表民

臨海人博物洽聞嘗修赤城志及自為續志三卷

林季仲

字懿成永嘉人宣和初進士高宗時趙鼎薦為臺官累遷吏部郎後秦檜主和議季仲引

句踐事爭之大忤檜罷去後以直秘閣奉祠

林宋卿

字朝彥仙遊人嘗從陳瓘楊時學崇寧中登第後知恭州奏罷貴州後請蜀削下戶軍需

絹秩滿以治行薦留再任自受俸非祿令所著者一介不取恭人祠之

林孝澤

婦攢八世孫宣和中登第提舉廣東市舶有番

為使者豈可以一賈婦而使朝廷廢二百年互市成法上書力爭固持不遣

林希

字子中舉進士官至吏部尚書翰林學士同知樞密院事徽宗立出知揚州徙舒州弟旦

舉進士熙寧中為殿中侍御史言事切直又嘗論逐呂惠卿輩官終河東轉運使

林靈素

永嘉人以方術得幸徽宗賜號金門羽客一日待宴太清樓下見元祐黨碑靈素稽首上

怪問之對曰碑上姓名皆天上星宿臣敢不稽首因為詩曰蕪黃不作文章客童蔡翻為社稷

臣三十年來無定論不知奸黨是何人

林攄

長樂人父邵顯謨閩直學士攄用陰累官屯田員外郎徽宗喜其盡言河朔利害賜進士第進

翰林學士嘗使遼還除禮部尚書為開封府尹後進同知樞密院尚書左丞中書侍郎

林霽

字德溥深之子以父任補明州刑曹掾兼工曹及管檢法議刑時州守毛友治尚嚴峻霽決獻

一無所徇友首薦之改秩歷知錢塘安吉二縣遷宗正寺丞通判福州適朝廷計僧口給食籍

餘財輸戶部霽以閩地瘠民貧州郡多取辦寺觀若餘財盡籍戶部則州之歲計必歛於民即

白府帥張澄乞以利害奏于朝自計口外餘財充歲計朝廷為止不籍而閩之民遂免橫歛終

朝奉郎

林幹

字國材樂清人崇寧初士皆以舍法論秀登名幹獨不仕舉棄屏跡田里閉門著書居木榴山

因號木榴子著淵通四十八篇以倣老子道德經著覃思十三篇以倣揚子法言其他著述頗



多

林震

冲之從子崇寧初進士仕至秘書少監以不附二蔡有聲弟震政和進士博學深象數聚書數

千卷皆自校讐紹興中為敕令所刪定官力詆秦檜和議之非即掛冠去

林勲

賀州人政和間舉進士為廣州教授建炎中獻本政書十三篇書奏以勲為挂林節度掌書記

朱熹甚愛其書東陽陳亮嘗曰勲考古臨今思慮周密世之為井田之學者孰有加于此乎

林大中

字和叔永康人紹興末進士寧宗時由臺諫歷官僉書樞密院事卒贈資政殿學士謚正

惠大中守正不阿進退裕如朱熹嘗貽書朝士曰聞林和叔入臺無一事不中的去國一節風

義凜然當于古人中求之

林之平

字國衡莆田人崇寧中登第歷監察御史高宗幸臨安以長江守禦之策偏詢羣臣議者

悉陳招募海舟為不虞之備遂  
詔之平為福建廣南招募使

林迪

字吉夫興化縣人紹聖初登第調福州司理古田縣上劾盜五人迪曰民以年荒竊食法不當

死縣文致之再既而獄具帥疑焉再上再却迪持益堅竟從之差知龍溪縣平易近人縣民乞

留任凡九年蔡京林出嘗欲  
因是誘迪迪以非同族拒之

林枏

字子方孝澤之子紹興中登第孝宗時知信州陞解諭清議者忠臣節士之所慕而權倖讒諂

之所憚也奈何惡之又言監司郡邑用武臣非祖宗故事至郡裁驕兵斥公帑代輸物力錢民

德之再調  
江西運判

林安宅

侯官人紹興間進士歷知新昌縣戶部郎中兼樞樞密院檢詳諸房文字孝宗即位權左

司郎中試右諫議大夫遷同知樞密院事兼權叅知政事其諄詞有剛毅有守直諫多聞凜然立朝有古諍臣之直敏於從政為時良吏之師

林搏

字圓南福州人舉八行入太學政和五年中特科授楚州叅軍不赴退隱於靈石九疊峯之下鄉人因目為九峯公搏好鼓琴嘗有謁者以琴請即攜出戶去遇可其意者始為一鼓徽廟三召入內為鼓悲風一曲上惡其名不樂而罷有琴譜三卷詩二卷

林安上

字民瞻慎思八世孫大觀中釋褐歷官國子博士江東路監察御史吏部考功員外郎左

史起居郎秘閣修撰福建路兵馬鈐轄安撫使直龍圖閣亳州明道官廣東路經略使因勅丞

欽定四庫全書

萬姓統譜  
卷六十四

七

相汪伯彥黃潛善誤國  
不聽遂致仕卒祀鄉賢

林湜

長溪人舉進士紹興末除監察御史奏疏言陛下  
下托股肱于宰執而所授皆小人寄耳目于臺  
諫而彈擊皆君子治亂之  
大無過于此時論多之

林之奇

字少穎侯官人累官宗正丞時朝廷欲學者  
叅用王安石三經之奇言三經率為新法地  
晉人以王衍清談之罪深于桀紂王氏實負王  
衍之責後以祠祿家居號拙齋呂祖謙嘗師之

所著有書經全  
簡卒祠于學

林積仁

字充美蘊之後幼而傑異身長七尺豐額駢  
齒聲如鐘登紹聖四年進士歷知甌寧縣甌  
寧巖邑民稍失職則竄去為盜積仁諭以人情  
三歲益萬五千餘戶時以四最六善課羣吏而

甌寧為第一徙知北海縣河歲決積仁伐石障  
水自是無患秩滿改提舉河東路河東歲惡積  
仁發廩賑饑流民存活者益眾屬靈夏用兵轉  
餉盡出河東特轉中奉大夫尋知平陽府纔歷  
旬朔革去蠹壞及移京畿提點刑獄人皆牽衣  
泣送之靖康初以中大夫直秘閣再領平陽望  
馬首而拜者合沓至為像家置之進直  
龍圖閣充秘閣修撰未幾以疾乞致仕

林叔豹

字懿文永嘉人建炎初為慈溪令廉明勁直  
高宗南巡戒衛士毋苛擾聞敵寇至境邑人

驚避有武悍之人一二人為民所訟叔豹捕而  
斬之於是遠近知畏絕標掠之患敵破明州偽

立蔣安義為守敵退叔豹率鄉兵入城杖死安  
義一郡尋安高宗駐蹕臨安召為監察御史

林一鳴

字聞卿莆田人父之正陰補官梁克家當國  
起知南雄府改知惠州請發常平倉賑糶饑

民奏罷賣口食鹽淹造鹽鈔紙官酤為民病者  
十數事又為文諭民力學種麥墾荒田陂塘及  
時修整去喪樂禁殺牛等事居民有殺牛方揮  
刃間牛掣斷繫奔至廳所若有所訴見者驚異  
一鳴命飼牛為治其屠人以為仁化  
所及官滿之日惟圖書數篋而已

林栗

字黃中福清人紹興中進士累官兵部侍郎  
謚簡肅栗為人強介偏執而論事雄辨可觀

林國鈞

字公秉莆田人早嘗游場屋率不利自三舍  
法罷遂不復有仕進意高宗朝以其子嘗由

里選版授迪功郎加承議郎賜緋衣銀魚致仕  
國鈞為人好施與務以積陰德為心聞鄉鄰之  
貧乏者取貲財遣人投諸暗中以助之不使其  
或知也嘗建紅泉義學延族子光朝為師以淑  
俊秀置義田以贍四方從學之士年九十齒髮  
落復生作亭名曰回年子二人充南安軍司戶

參軍褒建寧  
府司法參軍

林豫

字順之仙遊人熙寧中進士嘗知通利軍與蘓軾兄弟善後輟貶送以詞有怒髮衝冠壯心比

石之句歷官七郡皆有遺愛  
後坐撫軾薦入元祐黨籍

林彖

字商卿幼孤隨母鞠於外祖陳次升家以舅得盡讀六經百氏之書多聞元祐名臣出處大節

與宋累朝典故後僑居真州又得事劉安世任伯雨陳瓘諸公而與任申先象兄弟為忘年友紹興初嘗為簽樞徐俯禮致而終不肯受其薦奉母歸闕菽水盡歡母歿衣衾棺槨宅兆必盡其誠終喪不謀婚娶寓跡龍華寺法華菴傍所居軒曰聽雨小園曰意足日怡然於其間縣官希見其氣味或可語時一見之非其所好扣門不納也處之四十年如一日隆興初春監司

帥臣列薦有旨召赴行在力以疾辭孝宗為再促召亦不赴乾道四年詔特與進士出身添差

興化軍教授未一考而卒年七十自號萍齋

林子立

字伯與莆田人甫弱冠通經學為士類所推升貢辟雍凡十二試俱中第二同舍贈以詩

云博陵公子真文虎占斷儒官第二人登政和二年進士再調知茶陵縣靖康初詔諸道以兵勤王子立募集民兵二千餘人率赴南道總管司至荆門遇敵騎接戰衆寡不敵中流矢卒帥

司上其事于朝請官其後

林孝淵

字全一孝澤之兄也建炎間通判建州再判泉州亂卒屢無禮於守而信孝淵之言不敢

暴提舉市舶邵邦建薦孝淵曰材術疏通吏事詳練協贊郡治綏靖兵民千里帖然內外按堵



蓋實錄云嘗按收舶貨歸吏循例取腦一匣以納孝淵厲聲曰公則官物私則商貨何例之有

斥反之  
舶庫

林師益

豫之次子以父任奏補三班借職授樞密院宣差難澤縣尉上書論邊防利害議切時政

留京師聽旨金兵深入累授武翼郎閤門宣贊舍人提舉京城四壁守禦使司後軍統制金犯

京師侍從孫傳等薦舉差充京畿第一副將訓練馬步軍陳留縣駐劄揚時在講筵奏師益曉

達軍政使專督訓練必有績效可觀授京畿第一正將守禦鄭州原武金再犯京師諸將皆遁

惟師益孤軍守原武不動劉韜為丞相何桌謀亟召師益兵入援師益行次封丘遇金迎戰大

破之明日金兵大至師益謂其副曰金衆我寡誠不敵然此吾致命之秋尚何顧哉遂奮勇力

戰死之

林師說

字箕仲豫之三子少舉進士知名以父蔭屢當補官遜於從兄師文及弟師龍故入仕最

晚試銓曹第一調嚴州司士時青溪盜初平作新寨聚兵驕甚郡請師說攝理官以經畫之悍卒帖服遷知德化縣還道桐廬會盜發支邑民遮道乞留郡白之朝因改建德縣賊平倖新定敵犯二浙新定民大恐師說入白郡將請靜以侍之乃自擁十餘騎出城遇敵騎謀曰吾受命主帥以城降者賞師說擒斬于市累遷兵部員外郎知建昌軍丞相趙公力薦之除浙東提點刑獄山陰為畿內貴人多肆豪奪為民害師說一繩以法以忤權貴力請祠歸居九年卒林光朝嘗言林郎中出語大率如富鄭公徑截無他表裏只是一箇人其為先正所推許如此

林光朝

字謙之莆田人專心踐履不為訓詁南渡後以伊洛之學倡東南登龍興進士歷官國子

司業廣東提刑屢敗茶寇孝宗喜其儒生知兵召為祭酒除中書舍人

林大春

字熙之古田人朱文公門人也嘗題十六字云仲尼再思曾子三省予何人也敢不修整號慥齋大春家世崇尚理學臨終戒子弟不得用浮屠法至今子孫猶以文行世其家

林子冲

字通卿之奇從子學問德業有聲鄉里間士宗之者類百人淳熙中登進士第初為南豐簿時即守陳岐欲修二陳禮樂書以子冲大儒之後延以特榻子冲隨文釋義補闕訂訛書成

周必大揚萬里皆稱其精密以衰毀卒年僅五十有四自號雲岫居士

林公玉

字文振連江人年十三善屬文淳熙中擢進士第調建武教授郡初未有登第者公玉精

講解嚴課試節浮費捐貢士莊由是  
舉進士者與內州等郡人祠之于學

林正華

字君輔至和中入太學後棄歸養母母卒水漿不入口者累日已而蔬食日誦釋氏書越

二年卜葬於湧泉山鑿石營壙手胝足胼不少懈既葬廬於墓側寢苦枕塊號慕不已俄而祥雲滃甘露降焉鳥翔集虎豹遁藏鄉人白于官旌之正華安之六代孫也故世稱湧泉大小孝云子

林用中

字擇之古田人始從林光朝學後聞朱文公授徒建安復往從焉文公嘗稱其通悟脩謹

嗜學不倦謂為畏友  
與建蔡元定齊名

林夔孫

字子武古田人號蒙谷朱文公門人也黨禁起學者更事他師惟夔孫從文公講論不輟

文公易簣之際謂之曰道理只是如此但須做堅苦工夫嘉定中特奏名為縣尉

林學蒙

字正卿一名羽永福人從朱文公學因築室龍門巷講明道德性命之旨不務俗學卿人

皆師尊之有梅塢集傳于世弟學履字安卿與羽同學於文公之門

林蕃

字玉顯連江人從林之奇游於呂祖謙為同舍生祖謙少蕃數歲蕃手抄其詩文默誦之及祖謙講學受徒蕃誦首受業從諸生後惟謹祖謙曰此閩中瑞物也

林憲卿

字公度懷安人從朱文公學色溫氣仁擇言謹行誨人必以義理卿隣化之皆循循雅飭

其徒吳宗萬林士蒙俱知名早卒後憲卿死無子卿人即其所創存齋祠之

林亦之

字學可福清人林光朝之高弟也光朝嘗講道於莆之紅泉及卒學者請亦之繼其席門

人或勸之著書亦之作詩曰講學紅泉不著書  
只將心學授生徒趙汝愚帥閩日嘗以亦之學  
業上於朝命  
未下而卒

林勇

字伯和黃巖人乾道八年進士為奉化簿改定  
海巫遷知侯官縣所至守已愛民不以聲色徇  
上官與弟鼎同  
為朱子門人

林公洽

長樂人以四歲全通九經淳  
熙七年中童子科授迪功郎

林守威

公安人蚤喪父事繼母曹氏甚謹曹卒未葬  
鄰家火急守威升屋呼天風果返卒無恙時

人驚為  
孝感

林肅

字恭之淳熙三年進士少有文名從遊艾軒林  
光朝之門試教官科中首選調臨安府學教授

卒

林仲麟

字景仲寧德人個儻有大志淳熙五年試大

汝愚韓侂胄怒送昆陵編管仲麟毅然不少詘時有慶元六君子之稱

林宗放

字問禮貌古色莊居鄉以孝友稱淳熙丁未

教授改通州學舊刊三諫集錄載章子厚奸

狀郡守子厚孫也欲去其板宗放執不予調太

平州四方學徒至數百人宗放升堂辨折皆發

揚至理士多契慰改知蘭溪縣推折豪强奸吏

屏氣部使章良肱薦于朝時相驚曰此余丁未

同登也尚在常調邪欲處以館閣不果授廣州

通判遂

乞祠歸

林祖洽

淳熙中知常州尊禮耆儒延見秀士激學校後河堙沒久重浚治之民賴其利

林次齡

淳熙中知貴州有政績部使者嘗贈以詩云戶長盡蠲民不病室家相慶酒頻酤農桑課

績無遺恨循吏聲名並兩都

林藏

字子禮吳人舉進士乾道中為浙東提舉常平五年知秀州所至有善政博學高才尤長于漢

隸

林夢英

字叔虎夢英與象山年相若篤信其學遂師之登淳熙二年第授祁陽簿再調衡州法曹

所至整飭精明為部使者及郡守所知一日改官五郟俱集改知武陵縣寬民戢姦興學勤教士習丕變通判靖州討平洞蠻知武岡軍未上退居城西金石臺建樓藏書徜徉其間端明薛



公叔辟以為宣撫司叅議官在幕府六閱月罷  
歸召除國子監丞遷宗正丞權工部郎又除秘

書丞權司封奉祠歸年  
踰八十人稱山房先生

林磻

字豈獻嘉定十三年登進士少負雋聲從游者  
衆懼軒王邁嘗師事之官止海陽縣尉同邑林

蒙亨字宿西其學於天文地理諸子百家之書  
無不該貫莆泉學者多從之而邁尤加敬焉兩  
預鄉書不第後以子  
有之思贈朝請郎

林有之

字公侶宋卿之曾孫嘉定間進士授賀州司  
法居民以茅竹為屋有之請于州代以土瓦

賀民之有棟宇者自此始再調肇慶司理獄訟  
平允郡守賢之命攝教官條陳修城誣賴寮佐  
受詞蜚船稅重修火政築舊塲六事以獻守轉  
聞于上允之劄示二廣民蒙其惠改知古田縣

通判建昌軍攝郡總所綱運不辦有之積俸錢  
補發秩滿知南雄州未至而卒官終朝散郎

林仲虎

字景瞻寧德人慶元中應武舉廷試第二嘉  
定初檢詳林檎使北敵辟仲虎為屬敵邀私

覲仲虎力辨不屈至敵廷錫宴值宣仁后忌日  
仲虎秉禮固辭敵不能奪仲虎知兵未可定乃

上疏其略曰樂因循者徂於私意言進取者病  
於寡謀為今之計當重發而必成不可輕出而

苟且忤用事者意出守浮光後宰執復舉仲虎  
使北敵議和除右騎衛中郎將充通謝副使至

淮陽聞淮西失守而止仲虎能屬文  
尤長於詩有百將詩及雜詩行于世

林頤壽

字褒世晉江人父附貢辟雍祖母楊氏嘗苦  
背瘍潰爛徑數寸頤壽曰敗膿在中寢蝕旁

肉若扞拭則不堪痛楚乃俟其熟寐潛舐傅藥  
而愈廬父墓有芝產之瑞事繼母弼謹繼母卒

廬墓有白鵲數十往來廬上人以為孝感順壽博覽經史尤工大字業醫所活甚衆切脉言生死遲速無差里人為著孝友傳年六十八一夕談笑而卒號華陽處士

### 林略

字孔英永嘉人少力學登慶元第歷饒州大寧監教授辟幹辦四川茶馬司公事崔興之帥蜀目之曰此臺閣之瑞也薦之除博士出知衢州召為大府丞時相喬行簡又薦之理宗曰朕知其為名儒由是除侍御史遷諫議大夫遂僉書樞密院事踰年除職奉祠卒

### 林希逸

字肅翁福清人紹定間進士第四人初為平海軍節度推官以清白稱淳祐中遷秘書省

正字因對乞信任給諫又乞早決大計以慰人望上皆開納景定間司農少卿言亦之藻及林公遇俱經明行修終於布衣乞褒贈以厲後學從之官終中書舍人號獻齋所著有易講春秋

傳老莊列口義考工記  
解竹溪稿等書行于世

林洪範

閩縣人自幼苦學及長博通經傳屬文宏麗  
構思敏捷累舉不利教授門弟子頗有達者

著諸經義  
方數十卷

林仲嘉

福清人以詩名於時與鄭俠王聖時林圖  
南李天興為詩友嘗遊京洛有詩三卷

林文之

字子彬福清人宋李文體纖弱文之獨用意  
為古文平易高古學者皆師宗之留克莊嘗

謂文之曰後來文印屬之  
子矣所著有通鑑綱目

林宗道

字仲學福清人性聰敏為文章一不經意詞  
氣豪逸頗以材器自負尤善隸書晚年用筆

並蒼勁景定  
間嘗領鄉薦

林文昭

字宗範福清人有論語註一卷

林彬之

字元質莆田人端平中第進士遷監察御史首疏言天命人才民心又乞援仁宗故事早

立皇儲拜左司諫史嵩之經營復出力乞扶公道疑定力嵩之卒不用遂為殿中侍御史劾京

尹罷之權工部侍郎景定中以先朝耆舊即家除寶章閣侍制

林大有

字亨之江州倅一鷄之孫父渙都昌令大有年十六即棄舉子業千里求師授六經不為

章句之學暇則觴客賦詩招捕使陳鞞將聞于朝授以官大有搖手止勿破戒咸淳初以子雷

龍預薦賜迪功郎命書下僅一御冠裳拜於庭退即易褐如他日語子孫曰生稱善人死表於

墓曰處士吾願足矣子霽龍承信郎監潮州蛇浦稅

林公遇

字養正，瑒之子。曾祖邁，龍圖學士。祖埏，知沈州。與瑒三世皆早退。公遇，性孝謹，恬退，初以

父蔭補寧化尉，不忍舍朝夕養乞奉南岳祠，及父喪，服闋，調建之戶曹，復辭不就，乃營精舍以

居，扁曰寒齋。研思道理，考論古今，閨門雍睦，贍給宗黨，肥遯山水者二十年。一時名公卿若李

韶、方大琮、趙以夫、杜範，皆極力薦引，終不起。既而韶復薦之朝廷，重違其意，改令入官，主管仙

都觀及卒。學者私謚曰文隱，所著有石塘閑話，求心錄數卷。

林公一

字道初，樂清人。端介高明，博覽羣書，善屬文。年二十，舉于鄉，景定己未廷對，有司第其策

宜為第一。會時相丁大全請於理宗，以公主下嫁大魁，乃屬周震炎於其私人，抑公一第二。時

論喧然不平，初調興國軍判官，除宗學諭，卒。

林耕

景定初攝惠州事為政慈祥嘗有盜為人所獲送於官耕察其迫於饑寒從容諭之且遺以錢

三緡而歸之自是境內無盜

林以辨

字子泉秋閣修撰積仁之後祖應成字汝大嘗受學於黃績得潘柄陳宓之傳咸淳中與

長子棟同登第歷官宗正寺簿宣撫司機宜宋亡不仕年七十二卒父柄贈曲陶郡伯以辨通

易書春秋尤善說詩皇慶中詔以科目取士以辨不苟求合究心程朱之學福泉之士爭聘為

師方在泉山一日促歸未決旬卒年六十二朱文憲稱其明死生之際云

林駒

字德人少穎悟清修苦學博極羣書雖山經地志裨官小說釋老之書無所不覽德祐丙子以

易魁鄉薦著述甚富有呈塗前後集源流至論行世

林琦

閩人德祐初元兵迫臨安琦結集忠義捍禦海道以功補宣教郎文天祥開府南劍琦佐之琦

外文來內忠實數涉患難無怨懃辭後被執至建康以憂憤死

林景熙

字德陽平陽人宋上舍釋褐歷泉州教授元兵破宋都西僧楊勝吉祥盡發越上宋諸帝

山陵取其骨渡浙江築塔于宋內朝舊址其餘骸骨棄草莽中人莫敢收適景熙與同舍生鄭

撲翁等數人在越上痛憤不能已乃相率為采藥者至陵上以草囊拾而收之又聞理宗顯骨

為北兵投湖水中因以錢購漁者求之幸一網而得乃盛以二函托言佛經葬于越山且植冬

青樹識之因為詩聞而知者悲之後歸教授鄉閭其忠義之心每形于言語文字間有雷山集

行于世



元  
林起宗

內丘人自幼力學嘗從劉因遊深得道學之指既而教授于鄉後學多宗之嘗著志學指

南心學淵源二圖及大學論語孟子中庸諸圖孝經圖解小學提辭發明魯家記等書

林興祖

羅源人舉進士知鉛山州誅豪民吳友文政聲遂著繼陞道州路總管強賊以其廉愛三

年不犯境蟲食麥禱雨而蟲死又為之罷興作賑貧乏輕徭薄斂郡中大治

明

林弼

字元凱龍溪人元至正中進士有文詞著聲閩浙間仕為郡幕官入本朝興修元史授考功主

事使安南賙以金珠弗受其王強致之既還悉獻于朝朝廷嘉之賜以白金尋命知豐城有善

政後為考功郎中出為登州知府所著有文集

林祖

潮陽人家貧讀書早孤遇寇亂失母弟所在遍歷郡縣訪覓至梅州山中得見為獠人所阻祖

乃潛赴梅州訴之得還相離十有四年矣以為  
孝誠所感洪武中有司上其事賜衣九套鈔千

貫官終河  
間府通判

林鴻

字子羽福清人幼穎悟讀書一覽輒能記憶尤  
工詩音律體製一以盛唐為宗先朝遺老如吳

海陳亮輩皆極推許而一時才士如鄭孟宣高  
廷禮周又玄黃玄之林伯璟林漢孟之流皆從  
之游其後王皆山王中美王孟揚陳中完鄭公  
啓張友謙趙景哲諸名人以詩名於時又私淑  
於鴻者也洪武中以薦  
起官至膳部員外郎

林士敏

名懋以字行莆田人析五世孫父善同字舜  
與少好學工詞賦元末領鄉薦署錢山書院

山長國初例起赴京師以祖母年老辭既而復  
起之竟卒於道士敏洪武中由鄉貢入太學踰

年署大理寺少卿除刑部郎中以陳言謫南丹  
州吏永樂初起為南康府知府一意損己厚人  
衣服至給取於家改淮安府清介愈甚坐不防  
水患貶南寧府鎮鄧巡檢辟為常州宜興縣教

諭有芹邊集  
匡廬小稿

林瑜

龍巖人洪武中由太學生授五軍衛事中司稽  
理遷江西按察司僉事永樂中陞副使居官平

恕而民德之後陞浙  
江左叅政卒于官

林圭

字信玉莆田人洪武初以明經薦為本邑訓導  
陞寧國教諭凡六典文衡晚年致仕家居講學

明理啓迪後進經學  
詞章為莆郡首稱

林嘉猷

名昇以字行寧海人始師事同邑王琦琦坐  
累家徙雲南姻族無一人顧恤者嘉猷徒步

千里追送之涕泣訣別人高其誼後復行六千里至漢中求方孝孺而師焉方氏之門嗜學之士至者無虛席而孝孺獨以得嘉猷及鄭叔真為善最之使進乎聖賢之道且曰匡我者二子也洪武二十九年以儒士校文四川蜀王謂其名字不相蒙乃賜之名曰良顯後以字行由薦辟入史館為史官累遷至陝西按察司僉事嘗被燕邸召入居處最久隱情至是以告孝孺內難平生孝孺之黨遠至京師士午九月丁亥死之

林誌

字尚默閩縣人永樂中鄉會俱第一進士第二授翰林編修累官右春坊右諭德兼侍講為人

簡靜不苟交處其學經史諸子及天經地志醫卜之說靡不通曉為文章簡奧不蹈襲舊說詩

有唐人風居官十有五年恭勤趨事自奉淡然

林碩

字茂弘閩縣人永樂壬辰進士初授監察御史有聲能尋陞浙江按察使嚴而不苛郡邑畏服

久之拜廣東布政使未任而卒

林文亨

海康人永樂初鄉試第一登進士歷官戶部員外郎為人淳謹鄉曲重之

林環

字崇璧莆田人幼聰慧讀書數遍即成誦甫成童肆筆成章永樂丙辰進士第一除翰林修撰

明年陞侍講預修永樂大典為書經總裁官兩為會試考官所取多得人卒于官

林文秩

字禮亭懷閩人少穎敏不凡常視籒木於田值迅雷掣去數步傍有擊死者文秩恬然不

少憚永樂中登進士第改庶吉士拜監察御史立朝有直聲巡按南畿風裁凜然民奏留之詔復巡按一年宣德末擢山西按察副使進按察使有告平陽王文簡妖言惑眾者連及三百餘

家文扶力為辨釋存活幾二千人後致仕卒弟  
文楷字嘉亨亦有異質與文扶同舉進士為庶  
吉士拜王府審理改岳州府通判為政  
簡約務以撫字為心卒所著有梅湖稿

### 林長懋

字景時莆田人唐九牧廬之後父獻中泉州  
府訓導長懋永樂三年舉鄉試除南昌教諭

陞青州府教授十八年擢翰林編修侍皇太孫  
讀書洪熙時太孫正位東宮轉春坊中允長懋  
以老成自處凡小懋違多所匡救仁廟崩從臣  
扈從東宮赴京長懋不便鞍馬乃以舟行既至  
宣廟已即位從臣皆進宮長懋知鬱林州因  
上言宮僚遷擢同異者數人且言二弟一為部  
屬一為監生路逆毋派願降繁難京職積忤下  
錦衣獄一繫十年溫習不廢英廟登極遇赦之  
官以恩信撫下自奉清儉朝夕食惟鹽菜因呼  
為林鹽菜年六十卒於官無子閭為人剛嚴

狷狹非其人，不交往。僚友間少不合，輒面斥其過。性耽書，手不釋卷。為文質而有味，長慙下獄。時調平樂通判，遷知瀘州。廉介公勤，尤著意於學校。賢能著稱，奉教陞鵠慶軍民府知府，以母喪解官。卒于家。

**林震**

長泰人。篤志問學，宣德中進士。第一授翰林修撰，以疾歸。卒于家。

**林文**

字恒簡，環第。文宣德五年廷對第三，授翰林編修。正統初，預修宣廟實錄，成轉修撰。陞春坊諭

德兼翰林侍講，四年修歷代君鑒成。七年修天下郡誌，成皆有繫衣文綺之賜。仍陞庶子兼侍講。天順元年，英廟復位，拜學士。四年，請老。上謂內閣李賢曰：「林文老成忠厚，不可放去，仍留供職。」憲帝即位，以舊講讀官陞太常少卿兼翰林侍讀學士。再乞致仕，歸。文雖年逾七十，然神觀

清典應對精明安靜守禮接人無大小皆以誠意朝野士大夫踵求詩文酬之無倦色體格溫

淳自成一家縉紳推為醇儒年八十七贈禮部左侍郎謚莊靖

林聰

字季聰福建人正統進士授刑科給事中忤權貴逮獄坐死尋釋左遷國子學正超陞右僉都

御史仕至太子太保刑部尚書卒贈少保謚莊敏聰恂恂和易身不勝衣遇事可否大義毅然不更撓議易儲直聲大振官歷所至傾邇風采未敗云必無少

林京

龍巖人故叅政瑜之子好讀書每觀史至忠臣義士輒撫卷歎慕正統丁卯沙尤賊逼縣境京

團結鄉民相官軍守邑城力不能敵偕其子綬問道走郡城請援為賊所獲顧謂綬曰人生當



知順逆吾與汝寧死于此毋為反賊所脅以虧忠義遂與綬皆遇害

林鷄

字一鷄太平人景泰二年進士授御史持大體略細故有所言必當其實士論推重陞鎮江知

府舉偏救敝凡前政之廢弛者次第興舉之調撫州鷄一切鎮之以靜郡人帖服陞江西按察使察家分巡各道人異其見往往用己意出入於法鷄一正之以律多所平反累陞刑部侍郎卒家無儲積產唯舊業古所謂居官廉雖大臣無厚蓄者鷄真其人也嘉靖中贈刑部尚書謚

恭肅

林同

字進卿福建人天順進士歷官浙江叅政督理糧儲均賦恤民浙人德之後轉廣東布政嘗條

陳利病二十餘事及督郡縣行之巡按御史王哲奏康能吏十餘乞旌同為首致仕及卒家無

餘資

林榮

字從信莆田人父庭芳永樂十六年進士知新會縣罷歸敦朴能詩殿元柯潛早從之學榮得

其教育尤深天順改元登進士授南京監察御史成化改元榮與諸同官疏言七事皆中時弊

三年轉廣東按察司僉事卒年五十六榮威貌嚴重接人謙和事寡姦寡嫂有恩鄉黨稱之

林大猷

字子道仕敏之曾孫少有俊聲天順三年舉鄉薦第七授新建教諭勤於啓誨待諸生尤

有恩義成化十一年遷國子監學錄關洛晉魯之士慕其學行執經從游者無慮數百人齋舍

至不能容大猷為之編次尅期俾輪番聽講十六年進監丞盡剔宿弊一新舊規而為諸生講

學益勤弗替諸生需次久間有貧者授以衣病者給以藥死者則躬詣哭殮之其喪或屬其鄉

人挾之以歸或捐捧為買地京師以葬會有欲  
薦大猷江西提學者力以二親未沾恩命及舊  
遊之地不便行事辭尋丁內艱歸服闋復除舊  
任滿九載陞翰林檢討仍掌監丞事又三載以  
疾卒于官年六十大猷士行端厚學問該博一  
時驚動京師卒之日在朝大夫士及六館諸生  
咸哀悼之子夔第  
進士拜戶部主事

## 林瀚

字亨大閩縣人成化進士授編修歷祭酒南京  
吏兵二部尚書忤瑾降浙江右叅政致仕削籍  
瑾誅復尚書致仕卒贈太子大保謚文安子廷  
棹嘉靖中仕工部尚書謚康懿廷棹南京禮部  
尚書謚文簡孫炫正德甲戌進士燠南京禮部  
尚書煙士成進士瀚寬弘大度與衆無忤而好  
賢樂善無所不至未嘗言人過失亦未嘗有一  
言欺人方逆瑾亂政以正直取忤指為朋黨謫

降以歸而公處之  
泰然遺佚不怨

林泮

字用養閩縣人成化壬辰進士歷戶部尚書

林廷選

字舜舉長樂人授撫州府推官屢決疑獄召拜監察御史討夷寇有功歷浙江廣東江西

藩臬擢南京大理寺卿右都御史巡撫兩廣用兵奏捷晉南京工部尚書疏歸錫康輿卒贈太  
子少保賜  
葬祭陰子

林正

字克全莆田人成化二年進士授廣東道監察御史正為人勤敏清慎有氣節立朝論議務持

大體不樂瑣屑以沽名九年奉命巡視山東直抵儀真一帶河道補罅濬湮水厓皆令植柳以固堤岸以庇行人往來舟楫便之巡按撫松帝鎮四郡繩違雪枉凜然有風裁明年復巡按廣

東至則首詢民瘼輒形於詩曰鸞鳳自古高鷹  
隼郡邑于今尚滿絲此其愛民之心隱然可見  
矣閏月忽遘疾卒於  
南海行臺年四十一

林俊

字侍用莆田人成化進士授刑部主事以直諫  
謫姚州判官尋復南部巡撫江西右都御史嘉

靖初起刑部尚書致仕卒隆慶改元贈太子少  
保謚貞肅子志道進士兵部郎中俊平生不戀  
官爵不趨權勢不擇利害不畏強禦抗犯顏敢  
諫之節高難進易退之風用兵以殺降為大戒  
以撫綏為上策蜀人畏  
之如神明比之宋張詠

林廷玉

字粹夫福建人成化鄉試第一甲辰進士授  
給事中註誤謫海州判官歷陞長沙府知府

仕至戶部尚書致仕廷玉立朝侃侃不阿籌邊  
十策保治八歲與夫勸奄宦黃緣舉大臣貪私

凜然皆正氣之發至其判海州守長沙整屯田督學校參大藩陟銀臺進中丞所在著聲績為時名卿至於里居而靖軍校之變雖廷玉之威信素孚而亦是氣之充塞也

林廷棉

字利瞻瀚長子弘治丙戌進士歷官兵部郎中出知撫州擢雲南叅政嘉靖初起遷湖廣

布政使為人恬雅介潔所至有惠政後仕至工部尚書

林公輔

字實夫長樂人正德進士任大理評事聞武宗南巡上書極諫跪外廷五日杖死其事親

居家孝友恭儉與人信詳刑謹細不以一字苟喜怒於人可謂賢者嘉靖初贈太常丞官其一子

林文俊

字汝英莆田人正德辛未進士歷禮部侍郎謚文修

林有孚

字汝吉莆田人正德辛未進士歷都御史

林大輅

字以乘莆田人正德甲戌進士歷都御史

林炫

字貞孚閩縣人正德甲戌進士歷通政

林希元

字茂貞同安人正德丁丑進士歷大理寺丞

林富

字守仁莆田人以進士拜南京大理評事正德七年擢守寧波治事鎮密纖悉務中於程然雅

不樂為苛棘可喜之事性尤愷弟孜孜察民隱而極卹之時廣德湖田科額繁重民不堪命儒士楊欽累奏湖田五隅定減額賦七萬八千餘頃乞如花嶼湖全折之例未有別命富至力主斯議卒得所請五隅之民為立生祠祀焉富加意庠序於士類多所識拔銜鑑不與後官至總

制兩廣軍務  
右都御史

林春

字子仁泰州千戶所人天性溫醇少孤貧好學聞安豐場選士王良講學慨然師之自是一意

著已用功為文不事奇博率發揮所自得士辰會試第一主司詰之曰君所養何若是粹邪稍連司封員外郎尋以母病乞歸養家居三載未嘗干州郡餽遺非禮者輒卻弗受隴畝所入猶不贍口食而好賙予與鄉人處恂恂類布衣時尤樂與人為善起補文選郎中憂勤致疾責志而歿僉謂天喪善人

林應標

字君儀莆田人嘉靖癸未進士歷戶部侍郎

林雲同

字汝雨莆田人嘉靖丙戌進士歷南京刑部尚書謚簡肅



林應亮

字熙載侯官人嘉靖壬辰進士歷戶部侍郎

林廷機

字利仁翰林次子嘉靖乙未進士南京吏部尚書祖父孫尚書子煥丁未進士南京吏部尚書祖父孫

三世翰  
林尚書

林潤

字若雨莆田人嘉靖丙辰進士任南京監察御史毅直敢言劾嚴世蕃戮死西市人共快之歷

巡撫應天都御史卒于官所著有奏議稿行世

萬姓統譜卷六十四

欽定四庫全書

萬姓統譜卷六十五

明 凌迪知 撰

下平聲

十二侵

任

東安宮音黃帝十二子各以德為姓第一子任為任氏文王母太任正義云謝章薛舒呂祝終泉畢過此

十國皆任姓

周任

鄆力士也秦武王好鄆叩闕自鬻

任不齊

孔子弟子

任囂

秦始皇將拜南海郡尉定揚粵之亂秦亡築關隘以遏寇南海晏然人避兵革

任座

魏文侯問士大夫曰寡人何如君也羣臣皆曰仁君翟璜曰君非仁君文侯怒而逐璜至任座

曰君仁君也曰子何以言之對曰臣聞其君仁者其臣直翟璜之言直是以知君仁君也文侯

曰善復召璜入拜為上卿

任章

智伯索地于魏桓子桓子弗予任章曰何故弗予桓子曰無故索地故弗予任章曰無故索地

鄰國必恐重欲無厭天下必懼君予之地智伯必驕驕而輕敵鄰國懼而相親以相親之兵侍

輕敵之國智氏之命不長矣

任宣曲

其先為晉道倉吏秦之敗豪傑爭取金玉任氏獨窖倉粟楚漢相距滎陽民不得耕稼米

石至萬錢豪傑金玉  
盡歸任氏以此起富

漢  
任安

字定祖滎陽人嘗為大將軍衛青門客後青日  
衰故客多歸霍去病安獨不肯故人司馬遷為  
中書令尊寵用事安遺  
之書責以進賢之義

任旄

字子旗博昌人黃巾賊到博昌聞旄姓名  
曰風聞任子旗天下賢士那可入其鄉

任光

字伯卿宛人少忠厚為鄉里所愛為信都太守  
光武自薊還不知所向聞光堅守信都即馳赴  
之以為左將軍將兵以從旬日間兵衆  
大盛遂屠邯鄲建武初定封阿陵侯

任隗

字仲和光子義行內修肅宗朝累官  
司空持重處正鯁直無回稱賢相

任延

字長孫宛人年十二明詩易春秋顯名太學號  
任聖童更始拜會稽都尉建武初徵為九真太

守教民嫁娶于是傲外蠻夷慕義保塞尋拜武威太守帝戒曰善事上官廷對曰履正奉公臣子之節善事上官臣不敢奉詔既至咸行境內後又歷潁川河內子愷官至太常

任棠

上邽人隱居教授有奇節太守龐參初到先候之棠不與言但以薤一大本水一盂置戶屏前

自抱兒孫伏戶下參思其微意良久曰水者欲吾清也薤拔大本薤者欲吾擊強宗也抱兒當戶也歎息而還恤孤

任奕

句章人御史中丞朱育稱其為文章之士立言燦盛曄若春榮嘗著任子十卷

任昉

成都人為尚書令清身檢下大將軍梁冀憚之出為平原守冀誅復為尚書令司隸校尉大司

農

任末

新繁人少習齊詩游京師教授十餘年友人黃奉德病死洛陽末躬推鹿車載喪致其墓所後

奔師喪于道物故臨命勅兄子造曰必致吾尸於師門使死而有知魂靈不慙如其無知得土

而已

任永

捷為楚道人公孫述累徵皆托以青盲避不出述敗乃盥洗更視曰世適平目即清光武召之

會疾卒

任文公

閬中人善天文王莽篡漢乃攜妻子奔于公山後武擔石折文公嘆曰西川智士死吾當

之後三年卒並部語曰任文公智無雙

任蕃

字憲相察孝廉由新都令任涪陵太守涪民懷其德

任立政

霍光上官桀與李陵善隴西人任立政至匈奴招陵還陵曰吾已胡服矣恐再辱奈何卒

不應

任敖

上黨太守陳豨反敖城守有功賜爵廣阿侯

任峻

字伯達中牟人從曹操為典農中郎將募民屯田許下軍國之饒起于棄祇成于任峻謚成侯

次子覽  
闕內侯

三任蝦

字昭先北居者擅耕蝦地數十畝種之人以語蝦蝦曰自以借之耳耕者聞之慙謝還地及邑

中爭訟皆詣蝦質之然後意厭其子弟有不順者父兄竊數之曰汝所行豈可令任君知耶其禮敬所化率皆如此文帝特為黃門侍郎



任愷

字元褒魏人性豪侈一食萬錢猶云無下筋處子罕字子倫有賢行時稱為清平佳士晉為大

鴻臚

晉任蘭

安帝時為金城太守義熙中乞伏乾歸以衆叛攻陷金城執蘭蘭厲色責乾歸以背恩違義乾

歸怒而囚之蘭遂不食而死

南任忠

字奉誠汝陰人為陳領軍將軍初陳主以蕭巖蕭瑒梁之宗室擁衆來奔心忌之故遠散其衆以巖為東揚州刺史瑒為吳州刺史使忠出守吳興郡以襟帶二州

任祥

字延敬廣寧人仕北齊神武拜侍中遷徐州刺史

任遐

字景遠樂安博昌人父遙齊中散大夫遐少敦學業家行甚謹位御史中丞金紫光祿大夫遐

以罪將徙荒裔遙懷名請訴言淚  
交下齊武帝聞而哀之竟得免

任昉

字彥升選之第八歲能屬文初任齊為太學博士王儉沈約皆推讓其文梁武帝時歷黃門侍

郎出為義興新安太守為政清省  
吏民便之所著文章數十萬言

任瓌

合肥人年十九任陳為衡州司馬陳亡瓌棄官  
去後謁唐高祖于汾晉承制署東縣戶曹尋擢

招討使數立戰功累官至徐州  
大總管陝州都督封管國公

唐  
任濤

高安人累舉不第而工于詩李陽廣察江西特  
免郡役濤詩清婉人多博誦有援例訟者陽判

曰為詩友者  
即與免役

任瞻

字育長少有令名王安豐選女壻得四人任在  
其中仕童少時神明可愛時人謂育長影也好

任迪簡

李景略表為判官甚得士卒心後授豐州刺史天德軍使景略宴僚佐行酒者誤以醢迪

簡恐行酒者獲罪強飲之歸而嘔血軍士聞之泣下景略卒奉以為帥詔從之

任翻

藝文志云唐末人詩人劉後村詩話作任蕃

任侗

貞元中為明州刺史郡有廣德湖歲久湮塞侗為之浚築溉田四百餘頃當時之民賴之

任敬臣

字希古隸州人五歲喪母哀毀過制問其父曰若何可以報母父曰惟揚名顯耳乃刻志

讀書舉孝廉累官弘文館學士終太子舍人

任晦

吳人仕為涇縣尉退居里中有深秋曲沼危亭幽砌池中又為島嶼修篁嘉木掩映隈隩晦資

高放寡合好奇樂易喜文學名理之士

五代任圜

韋說罷相安重誨議用崔協任圜曰重誨未諳朝廷人物為人所賣天下皆知崔協不識文字

而虛有儀表號為沒字碑臣以陛下誤加擢無功幸進此不知書以臣一人取笑足矣相位

有幾豈容更益笑端

宋

任中正

字慶之濟陰人父載右拾遺中正舉進士嘗代張詠知益州遵詠條教蜀人便之累官叅

知政事仁宗時加至禮部尚書卒謚康懿

任中師

字祖聖中正弟舉進士累官知益州康定中召為樞密副使尋以資政殿學士知永豐軍

後以太子太傅致仕卒謚安惠中師性樂易自奉儉約晚知養生術號大塊翁

任顥

字誠之壽光人舉進士擢鹽鐵判官累遷龍圖閣直學士以太子賓客致仕顥剛毅不回臨政

屢有顯績仁宗嘗賜璽書旌之以太子太保致仕

任福

開封人累官環慶路總管知慶州以破元昊功拜神龍衛四廂都指揮使元昊復入寇福力戰身被十餘矢有小校劉進者勸福自免福曰吾為大將兵敗以死報國耳遂挺身決戰而死子懷亮亦死之

任布

字應之河南人力學家貧嘗從人借書以讀慶厯中進士及第累官至樞密副使以太子少保致仕始布歸洛中作五知堂謂知恩知命知道知足知幸也卒謚恭惠

任孜

字道聖眉山人以問學氣節推重鄉里與蘇洵埈累官至光祿寺丞與弟伋知名于蜀東坡時稱為大任小任詩曰大任剛烈世無有疾惡如風朱伯厚小任溫毅老更文寬柔惠愛小馮君

任伋

字師中東坡謂之小任通判黃州郡人為作師中菴任公亭燕轍作師中菴記伋知瀘州不主

開邊之議東坡詩云任公鎮西南嘗贈統朝策當時若盡鬪善陣無赫赫

任伯雨

字德翁汝子邃經史力雄健中進士仕為右正言上疏言章惇蔡京過惡入元祐籍伯雨

居諫省僅半歲所上一百八疏皆係天下治亂長子象先登世科又中詞學兼茂舉泰州戶曹掾聞父謫棄官歸養次子申先官至中書舍人曾孫希夷學從朱文公學篤信力行累官端明

殿學士徙家邵武

任獻夫

字安世蒲圻人政和進士及第溫厚純雅立志遠大為文冲澹平易理致精密人不能及

愿荆門刑曹著有異績民懷之

任宗誼

字仲宜博平人以父任為太廟齋郎調隴安縣尉累薦監真州轉般倉轉奉議郎賜緋魚

袋通判泰州不赴除知淄州借紫加勳騎都尉宗誼潤達好義有氣略明吏事所臨多有可紀

凡民訴久不竟若寃不能自直者摘其要害躬為鞫諭無不厭服處訟立決廷無留事其在真州倉屋七百區費大莫敢任葺事歲霖雨壞米至萬計吏夜徙棄水中以滅迹宗誼大撤而新之計司各費宗誼曰倉雖在真本漕六路聚米以供京師則費宜均賦之六路衆是其議上之以朝廷遂著為令

任盡言

字元受華亭人與兄質言同舉進士居下僚論事慷慨秦檜死朝廷召湯鵬舉為臺官盡

言投啓賀之云每愧朱雲之請劍未聞林甫之斲棺上聞始點檜朋黨釋趙鼎子汾罪

任諒

眉山人士徙汝陽幼孫力學舉進士累官龍圖閣直學士知京兆府諒孝足以回母欲奪之志知

州教授作新學碑徽宗見之歎曰文士也

任忠厚

鄴人有文名一時英俊願交舉進士朝貴爭相汲引官至二千石

任文薦

閬中人紹興間舉進士歷監察御史江西提學太常少卿浙江提刑本路都轉運使王十

朋嘗稱其直道立朝辛祠于學所著有六經章句

任玠

成都人通五經雖緯候音律琴碁繪畫皆得其妙真宗令試學士院玠撰詩一千二百韻以進

賜進士授汝州團練推官玠娛野服捧告身詣登聞院陳納

任山

平晉人有大志不仕法春秋作通記擬井田作中田圖嘗應詔言事富弼厚遇之所著有晉溪



集

任古

定陶人紹興辛巳以御史直龍圖閣出守時虜衆四起古乃堅築城壘修飭器械賊聞有備竟

不入境後召赴行在民數千伏闕丐留不許

任希夷

字伯起邵武人淳熙進士調浦城主簿從朱熹學篤信力行熹喜之曰開濟士也遷禮部

尚書嘗言周惇頤程顥程頤為百代絕學之倡乞定議賜謚進端明殿學士叅知政事

任良弼

嘉定中任知縣時臣僚奏乞下江東漕司問拯獎之策良弼請於本縣折帛一頃減三分

之一又請蠲積欠二十萬緡詔俱從之良弼以休寧諸鄉惟黎陽賦最重請依和睦鄉則例蠲

減民深德之

金任天寵

字清叔曹州人初為考城主簿再遷威戎令泰定軍節度判官皆有善政累遷國子祭酒

貞祐初為中都路都轉運使時京師戒嚴糧運艱阻天寵悉力營辦嘗出家資以濟饑者全活

甚眾遷戶部尚書中都不守天寵繼走南京中道遇兵死之謚純肅

元

任仁發

上海人年十八中鄉試仕為都水監自黃河江浙及吳淞江淤塞皆隨處疏而通之官至

浙東道宣慰副使所著有水利書十卷

任志

壺關人歸穆呼哩克元帥與金人戰有功金人擒其長子以招之志曰我為大朝帥豈愛一子

親射殪之以議事道經武安為金人所害子存亦與金將武仙戰死

任士林

字叔實其先蜀綿竹人徙居奉化再世又徙琦山自幼穎敏秀拔六歲能屬文既長喪父

廬墓讀書疊疊不倦諸子百家靡不周覽為文  
沉厚正大一以理為主後講道會稽授徒錢塘  
文日大肆遠近求請殆無虛日至大初以中書  
左丞郝公薦授安定書院山長以終所著有中  
易論語指要及松  
鄉文集若干卷

明

任原

字本初第序字本立休寧人父聘築精舍于富  
川之上延祁門汪克寬主師席原序受學焉克

寬著春秋纂疏綱目考異原序皆預有力既又  
從學于東山趙汴學成會天兵下徽州原出佐  
軍實從捍禦歷功至顯武將軍雄峯翼管軍萬  
戶卒序代之徙鎮明越及閩中坐事廢兄弟皆  
有詩文集  
傳于世

任勉

字近思華亭人洪武間令鄱陽縣懇懇以禮義  
開導公暇詣學宮親授諸生經史有寡婦欲再

適反以饑寒訟夫兄勉書其背曰餓死事極小  
失節事極大俗由是恥失節者陞知瀘州民請  
留遂調同知饒州  
未幾擢福建叅政

任昂

字仲丹河陰人博覽羣書早有才譽元進士拜  
晉寧縣尹不受隱居日以經史自娛洪武初以  
儒士訓襄垣縣學  
果官禮部尚書

任勵

長安人洪武進  
士刑部尚書

任亨泰

字左雍襄陽人洪武戊辰舉進士第一授翰  
林修撰學行重于士林進陞詹事府詹事至  
禮部尚書嘗使交趾其國王曰狀  
元不可得也當與其禮待之加重

任毅

洪武間知重慶府有幹濟才事  
雖繁劇舉無遺滯以廉能著稱

任肅

字伯難徐州人洪武中鄉貢擢工部主事尋陞郎中以營繕宮殿成遷南昌知府政績卓異秩

滿轉雲南左叅政致仕

任祐

靈寶人性資穎悟篤學慎行洪武間以太學生授山東諸城知縣政績著聞遷永平府同知再

陞四川右布政使

任壇

字廷堅鄆人登胡廣榜進士知桂東縣秩滿擢監察御史陞江西按察司僉事剛介有守字牧

之恩洽於桂東冰霜之操肅於憲臺御史時守制於家三年足不出戶限守令謁弔惟哭踊對之不接一語同邑為御史者若柴履姚兼善皆砥礪操行以才能著名而履之居喪一如壇焉

士論高之

任寧

字靖之臨漳人正統  
士戌進士歷都御史

任鑑

字自明臨潁人成化  
丁丑進士歷都御史

任儀

閬中人進士選庶吉士授御史過權宦以內命  
建佛會于興隆寺有御史乘馬過寺門拉入辱

之儀代與宦辨且上疏劾之坐是外補歷遷  
山西右叅政時逆瑾用事誣謫西安同知卒

任文獻

字國光郟城人弘治癸丑進士  
任御史侃直敢言以風裁稱

任漢

字寧海溫江人弘治進士任御史巡按南畿風  
裁峻整抗章論列朝貴斂迹林公俊謂其為真

御史歷都御史大理寺  
卿剛按不撓多所建白

任賢

裕州人弘治中鄉舉累官監察御史以內艱歸  
正德六年流賊掠境賢分城禦守及城陷力戰

死之詔贈太常少卿立祠祀之

任良弼

平遙人弘治進士初授翰林庶吉士選刑科左給事中轉吏科都給事中議論風采彈劾不避權貴陞通政抗逆瑾矯詔下獄謫戍遼陽持節自如瑾誅復任通政名重朝野居官三十

年家積琴書而已

任洛

字仲伊鈞州人進士正德初知桐鄉明敏公廉吏民敬愛之居三年以憂去行裝蕭然後還監

察御史歷都御史

任忠

字原孝崑山人正德辛未進士歷布政使

任瀚

字少海南充人嘉靖己丑進士歷官文選郎有文名

任瀛

字登之兗州人嘉靖已未進士歷都御史

任環

字應乾長治人嘉靖甲辰進士任蕪州府同知倭夷入寇環屢戰多捷且大有功于民立祠祀

之

任惟鈞

字子範巴縣人嘉靖丁未進士歷叅議

任士憑

字可依平原人嘉靖丁未進士歷官都御史刑部侍郎

岑

南陽官音文王封異弟耀之子渠為岑子因氏

漢岑彭

字君然隸陽人王莽時守本縣長漢兵起率眾降從平河北光武即位拜廷尉與吳漢等收洛

陽討平南方進封舞陽侯後與吳漢圍隗囂公孫述遣將救囂彭奉勅擊蜀長驅入關徑拔武



陽全蜀震駭述大驚曰是何神也乃使客夜刺殺彭賜謚壯侯子遵嗣徙封細陽侯帝思彭功

復封遵弟淮為穀陽侯

岑熙

彭五世孫少為侍中遷魏郡太守招聘隱逸與叅政事無為而化視事一年與人歌之曰我有

枳棘岑君伐之我有蝨賊岑君遏之狗吠不驚足下生甕含哺鼓腹焉知凶災熙卒子福嗣為

黃門侍郎

岑暉

字公孝棘陽人有高才與郭泰等相友善雖在閭里慨然有董正天下之志太守成瑨請為功

曹不避豪勢時語曰南陽太守岑公孝弘農成瑨但坐哺瑨死遂不仕

南岑之敬

字思禮棘陽人五歲讀孝經每焚香獨坐親戚嘆異之十六擢高第仕梁為壽光學士累

遷征南府諮議參軍博涉文史雅有詞筆以篤行稱

岑善方

隸陽人清慎有器局博通經史仕梁為散騎常侍所著有文集七卷七子皆有操行

隋岑道願

江陵人隋初避難泝三峽至萬州江南山巖下修煉食黃精百餘歲蛻迹而去唐貞觀十八年以香屬商人令往所隱巖下然之商人不往且歸波濤雷怒不可上乃返詣巖然香遂平

行無虞

唐

岑文本

字景仁隸陽人性沉敏善文辭貞觀初為秘書遷中書侍郎專典機要進中書令有憂色

母問之曰位高責重所以憂也或勸營產業嘆曰吾以文墨位宰相俸已重矣尚何產業為卒諡曰憲從子長倩官至文昌右相封鄧國公

岑仲林

鄧州人為漂水令有政績

岑義

字伯華文本孫第進士武后時為金壇令遷中書舍人敬暉欲上表削諸武眾畏三思不敢為

義獨為之進吏部侍郎掌選剛廉官至侍中封南陽郡公自文本至義一門三相在清要者數

十人

岑仲翔

文本孫為長洲令兄義為金壇令弟仲林為漂水縣令皆有治績人稱江東三岑厯太子

中允陝州刺史

岑參

文本後登天寶進士第官至侍御史能詩興李杜相頡頏後為嘉州太守

岑長倩

江陵人文本從子少孤為文本鞠愛孫號陳留八俊官至文昌右相武后篡位欲以武承

嗣為太子長倩爭不聽為來俊臣所誣斬于市睿宗立進復官爵

岑植

鄧州人文本孫也嘗為句容令明達善斷尤悉民情偽纖毫必察黜陟使源乾曜薦于朝

岑文昭

文本之弟也文昭當太宗時任校書郎多交輕薄帝不悅謂文本曰卿弟多過朕將出之

文本曰臣少孤母所鍾念者弟也不欲離左右今若外出母必憂無此弟是無老母也泣下鳴咽帝愍其意召文

昭讓教卒無故

宋

岑象求

鄆人舉進士持心履行為士矜式出將指使入侍經幄尤以端亮稱之

岑平

岑頊

俱登科

岑穰

人濟州

明  
岑仁忠

洪武中為保昌知縣為政廉平修築陂塘十一處以資灌溉民永賴之

岑嵩

德慶州人正統末知上抗縣寇亂之後綏懷有方流亡悉復

岑俊

字子英慈谿人隱雲巖通經史百家工書學篆隸尤入妙古詩出入漢晉嘗授徒吳興有錢氏

子負所寄一無所詰由是人目為長者正統間提學僉事范潤生舉經明行修以親老辭平生惻悃無華口未嘗言人過至治家喪葬一以禮年九十疾革猶與客誦所評魯男子詩云雨崩鄰婦屋風烈夜難禁閉戶却逃難全無惻隱心語畢奄逝

岑琬

餘杭人弘治進士歷官僉事

岑萬

字體一順德人嘉靖丙戌進士歷官左布政使子用賓已未進士歷知府

岑義

邳州人父泰母蕪氏義自幼以孝聞朝夕問安必拜跪飲食湯藥必親調母疾籲天願減年以

壽母母盲義朝夕舐之目復明父母卒義苦塊幾毀墓岨山下跣足負土成墳廬墓三年甘露

降墓樹有司上其事旌表其門

黔

齊郡官音禽

黔妻

齊隱士守道不屈威王師之

黔教

禮記

黔夫

戰國時齊威王與魏惠王會田于郊魏王問齊有寶乎威王曰吾有黔夫者使守徐州則燕人

祭北門趙人祭西門  
徙而徙者七十餘家

漢黔陵舒人斬龐  
萌首歸漢

琴天水仲尼弟  
子琴牢之後

周琴高趙人得水仙嘗  
于海山乘赤鯉

琴張孔子  
弟子

琴牢南陵  
侯

朝本琴惟和四川資縣人景泰間  
任陝西葭州知州

禽魯國魯大夫  
禽鄭之後

欽定四庫全書

漢代列傳  
卷六十五

五

周

禽滑釐

與田子方段干木之屬  
受業子夏為王者師

禽息

秦大夫薦百里奚不見納繆公出當車以頭擊  
閼闕乃精出曰臣生無補於國不如死也繆公

感悟而用百里  
奚秦以大化

禽慶

高士  
左傳

漢

禽賢

孝子

禽堅

成都人生而失父三出徼外乃尋獲之後王商  
為蜀郡太守以堅有志性表其墓而追贈之

臨

西河八凱  
大臨之後

漢

臨孝存

北海人博學知名孔  
融以不及見為恨



南  
北  
臨深  
東海人  
刺史

臨孝恭

隋人知  
天文

臨牢

柳說  
驚臨牢

明  
臨見誠

貴州石阡人  
正德  
歷  
中任  
平陽府

參

陸終第二子  
參胡之後

唐

參開

開元  
登科

明

參安

平定州人  
永樂間任  
福建連江縣知縣

侵

扶風

漢侵恭扶風太守

陰

始興宮音陰康氏之後文王子管叔鮮後管夷吾孫修適楚為陰大夫因氏又望出武城

周

陰不佞

陰里人周大夫

漢

陰子方

宣帝朝人至孝臘日晨炊見竈神見形子方再拜受慶家有黃羊祀之遂巨富官至執金

吾

陰識

字次伯新野人陰貴人兄也更始中以功封陰德侯更封陰鄉侯後以征伐功當增封讓曰托

屬掖庭仍加爵邑不可以示天下帝從之

陰長生

新野人漢和帝后之曾祖不好榮位潛居隱身專務道術聞馬明生者得度世法乃求見

於泰和山中執役二十年不懈乃偕入清城山立壇軟血以太清金液神丹授之丹成著書九

篇白日昇天而去

陰興

字君陵識之弟顯宗詔曰興輔導朕躬有周昌之直在家仁孝有曾閔之行以其子慶為銅陽

侯恂恂苗盾侍龜襲紫

陰嵩

謁者以謹飭具稱推為中郎將監羽林

陰棠

西陵侯

陰慶

有賢德推其居第田園奴婢分與二弟但佩印而已當代稱美漢永平中封銅陽侯

三國陰變

豫州刺史

陰子春

字幼文仕梁遷梁秦二州刺史雖無他才行過人以廉潔稱

南陰鏗

字子堅武威人善五言詩為梁湘東法曹參軍嘗與賓友宴飲以酒炙授行觴者衆皆笑鏗曰

吾儕終日酣醉執爵者不知其味非人情也後遇侯景亂被賊擒或救免之乃前行觴者

陰顥

虎門博士著瓊林七卷

隋陰壽

武威人少果烈有武幹文帝嘗遣韋孝寬擊尉遲迴命壽監軍時孝寬有疾不能親總戎事三

軍綱紀皆決于壽以功進位上柱國拜幽州總管封趙郡公

陰世師

壽子忠厚多武藝以功臣子拜儀同煬帝即位拜張掖太守甚為戎狄所憚後遷左翊衛

將軍與代王留守京師唐軍至世師自以世荷隋恩拒守不下見殺

宋 陰信臣 鳳翔人

陰辰之 儀隴人 嘉慶進士

陰昭

陰皞 俱鳳翔人

元 陰幼遇 奉新人 五世同居 家數百口 讀書績學 八歲中九經 科著韻府羣玉行世

明 陰秉衡 字振平 內江人 隱居潦國 作文翰樓貯書千卷 手不停披 口不輟吟 平生著述 惓惓於天

理人欲邪正異端之辨 嘗參酌朱子家禮 為陰氏慎終錄 及婚姻節要 鄉人呼之曰陰孟子

陰盈 字克復 汝陽人 弘治己未進士 正德初任知縣 臨政威嚴 聽訟明決 強橫屏跡 善良安業 凡賞

卷之十五  
罰期會信義弗與下車未久陞主事去

陰子

淑字宗孟其先崇陽人徙居內江父秉衡博學善教子淑登成化士辰進士知荆門州鯁介

不阿保民如子典學校惇倫理舉廢墜濯塵垢建陸文安公祠于蒙惠二泉修築橋梁城池廨舍士習丕變民風勃興邦人感其德立去思祠并作循吏十詠詩以美之以為陸九洲之後一

人也遷江西按察使

陰標

字時準容城人嘉靖進士歷河南叅政

陰秉賜

汲縣人嘉靖進士歷左叅政

陰武卿

四川內江人嘉靖丙辰進士歷應天府尹

諶陶侃母諶氏今南昌多此姓

漢諶仲

字文疊南昌人有德行和帝朝郡舉有道仕至荊州刺史

諶禮

字秀登南昌人和帝朝為薛令舉德行拜尚書倉部郎中撰書議十二卷行于世

宋諶自求

字寧宗朝人家于盱江好學能詩求師友于千里外得意處自謂前輩不能及

諶重

南昌縣人舉有道科歷官至荊州刺史政績愈著泊執親喪哀號悲慕廬于墓側致白兔馴擾

人感其化即所居立廟祀之

諶賁

宜春人初為郡吏妻與郡士彭伉妻姊妹也伉登第親族往賀座中皆名士獨飯賁于後閭賁

感憤力學一舉擢上第

諶佑

字自求號桂舟南豐人古貌古心耿介寬諧蕭然萬山中窮經博古文宗左氏班馬詩宗杜黃

人皆推讓之每一篇出鄉邦傳誦之

諶思

南城人重和進士

明諶賤生

邵武人洪武中以國子生為岳池縣典史薦陞四川按察司僉事列名章善錄

諶聰

南昌人成化舉人任推官操持清謹士民稱慕

諶良魁

祥符人正德舉人

諶恒

隨州人正德中任知縣

諶彥清

隨州人正德中任知州



譙珣

南昌人正德中  
任增城縣知縣

譙忠

隸為人嘉  
靖舉人

譙廷詔

南昌人嘉靖  
工部員外郎

譔

音尋

漢

譔政

廷尉

譔顯

安帝時豫州刺史時天下饑荒競為盜賊州界  
收捕且萬餘人顯憇其困窮自陷刑辟輒擅赦

之因自  
劾奏

三

譔丞

太常  
卿

明 譚鑑 威縣人 宣德己酉舉人 任廣西太平府知府

尋 河內古斟鄩之後 封于尋與夏同姓

晉 尋曾 字子真 東海王屬

隋 尋相 御史大夫

明 尋适 洪武初為廣西按察使 廉謹清恪 風節凝峻 獄訟剖決如流 民無有稱冤者 公餘以吟詠自適

尋孔樂 陽曲人 正德中舉人

尋思聰 蒲圻人 正德中 任夔州府通判

斟 遼西宮音 姒姓 夏諸侯斟灌斟鄩氏之後 以斟國為氏 並祝融之後 國語注曹姓之別也

漢  
斟尚  
下邳人四門博士

柳  
楚懷王孫心都柳子孫氏馬

晉  
柳寶  
中年令代世江夏見陶侃傳

欽  
安州角音又望出河間今吳興新安縉雲有此姓

宋  
欽德載  
吳縣人仕為都督計議官宋亡德載不肯送降款元兵募生致其人議欲官之德載裂其

板授書即遁隱碧巖山中自號壽巖老人楊維禎嘗作詩歌以弔之

欽明  
撰百官階次三卷

明  
欽恭  
寧國人宣德由人材任甌寧縣知縣

欽實

縉雲人天順中  
任番陽縣丞

欽拱極

撫州人嘉靖  
庚辰進士

欽昱

湖州長興人  
嘉靖間貢士

箴

楚大夫箴尹克黃之後主  
箴規之官子孫以官為氏

周

箴莊

衛大

鄒

見姓苑

周

鄒盼

大夫

深

見姓苑

宋 深訾朝散郎

士 如林切

明 士士亨遠安人宣德中任桂陽縣知縣

士佐華縣人弘治中中都留守司經歷

士春雱泉州人署肅寧訓導改蘭陽訓導陞本縣教諭教人有方

湖州有士姓

吟 見姓苑

唐 吟約嘉州刺史

今

見姓苑

本朝

今穎伯

臨海人洪武中  
嘉興府學教授

靐

奴候切

五代

靐杰

梁公四

歲

與箴同音  
見姓苑

音

見姓苑

尋

音尋出  
纂要

森

見姓苑

心 見姓苑

霽

音陰出纂  
要見直音

驛

音森地名  
見直音

萬姓統譜卷六十五



欽定四庫全書

萬姓統譜卷六十六

明凌迪知撰

下平聲

十三覃

譚

齊郡角音譚子之後國在齊  
平陵縣為齊所滅後以為氏

周

譚子

娶齊女碩人詩  
云譚公維私

漢

譚平

定巴南  
六姓

譚閔

河南  
尹

譚峭

得仙有詩云線作長江扇作天靱鞋拋向海東邊蓬萊信是無多地只在譚生拄杖前

唐

譚忠

憲宗時為燕牙將嘗為燕使魏通朝廷出禁兵越魏伐趙魏牧田季安欲興兵忠說曰若興兵則抗王師其罪大矣季安然之及歸燕又說燕牧劉濟出軍佐朝廷伐趙遂拔饒陽束鹿時皆

服其善斷

譚孝倫

漢州別駕

宋

譚延美

大名朝城人仕周建隆初征湖南有功擢都指揮使太平興國初為蘄州刺史連徙廬壽

濠光州軍巡檢使劇賊悉就捕雍熙時北伐命延美與田重進出飛狐北俄遇敵延美率兵前

進敗之端拱初徙知寧遠軍契丹兵抵城下延美開門以示之不敢入引去進邕州觀察使知

代州以左領軍  
上將軍致仕

譚必

字思父樂昌人天聖間王益守韶州時必應童子科日誦萬言引試稱旨舉慶厯進士調邕州推官交趾破邕沒于王事累贈

譚侁

始興人皇祐進士博通經史教三子皆成名粹朝議大夫銳朝請大夫拊中散大夫一門三大

譚煥

字文煥始興人有志于學嘗預薦書當父任力辭遜于弟時有詔舉八行郡以實聞朝廷嘉其讓推舉八行之首大觀中登進士第官至朝散大夫

譚揆

字文初曲江人方髫髻與王安石同學後安石為相引為郎官方行新法揆不苟從累遷廣文

館學士

譚觀光

字元賓，蚤喪母，廬墓有白兔之異，官至朝奉郎。

譚申

長沙人，政和進士，張邦昌以為屯田郎中，力拒之。紹興四年，知州事，禱旱于郊，頃之大雨，數十

里歲饑，民不能輸，申請罷徵，監司督益急，坐降秩。後致仕，歸，民感其仁，立祠祀之，號曰古譚。

譚世勳

字彥成，長沙人，父章，博覽經史，散財賑貧，封朝奉大夫。世勳舉進士，教授郴州，累遷中書

舍人，徽宗禪位，東幸，且還，請辨正宣仁謗史，遷給事中，兼侍讀。金人入寇，何鼎建言分置四道，

都總管世勳不可，改禮部侍郎，及張邦昌僭國，令直學士院，世勳稱疾臥不起，以憂卒。建炎初，

贈端明殿學士，謚端潔，所著有文集、奏議及師陶集。

譚知柔

字勝中金壇人舉進士歷官通判邵州終秘書少監善為詩有華陽居士集

譚綺

字德新萍鄉人少嘗事學稍長勇健過倫遊京師有堂吏奇之妻以女應募從康王使河北授

承事郎一日轉十三資及王即位應天命綺掌飛龍內廐積一日加十三資官至團練使

譚惟寅

字子欽高要人紹興中登進士第官至江西憲讀書一覽終身不忘嘗夜入衡州祥符寺

借燭閱碑不得遂以手摸之既歸畢錄黎明對本不遺一字

譚凱

南海人性恬靜不妄言讀書務自得不為紛華所動郡守楊長孺謁先師後即帥郡官旅往謁

其為時所重如此

譚昭寶

字珍卿茶陵人提舉用式子也五歲能誦五經知為文辭七歲應童子科中上第其謝啓

畧曰七歲速離于膝下九經流出于臂中著卦  
兼太極之圖遂矢效由基之射童科雖異文解  
則同破雲州千古之天荒駕月殿丹梯  
之雲路啓上理宗見而奇之大加稱賞

譚端伯

字應元中立後裔隱居茶鄉平生慷慨以忠  
義自許當丞相文天祥舉兵勤王伯端亦起

兵應之天祥與之劄曰湖南九郡汝實統之後  
為元兵所獲令其供籍伯端書曰兩手撥開南  
浦雲誰人似我一口吸盡西  
江水我自擔當竟不屈而死

譚資榮

懷來人敦厚寡言頗讀書金末為交  
城令入元為行副元帥征汴有功

明  
譚勝

滁州人乙未年本州從軍克和州六月渡江克  
采石太平丙申年克廣德丁酉年克長興戊戌

年克婺州選充小旗癸卯年攻鄱陽湖征湖廣  
甲辰年克武昌潭州常德辰州回守岳州乙巳

克恭州丙午年克高郵四月克取淮安充總旗  
守衛吳元年克山東益都洪武元年二月克守  
樂安州四月克百戶七月實授樂安州百戶九  
月改調燕山左衛授流官職事洪武二年五月  
調守永平招諭周右丞王院使等官洪武三年  
欽授世襲敕令洪武五年征進沙漠洪武八年  
除大興右衛副千戶洪武九年欽授流官誥命  
洪武十年授世襲為洗改換給世襲誥命洪武  
十二年欽改燕山右護衛右所  
因父年老致政便養子淵襲

### 譚淵

滁州清流人膂力引兩石弓發無不中洪武中  
以軍功授燕山衛副千戶復從北平戰于真定  
及壩上馳騎突陣斬獲甚衆至夾河搏戰所  
乘馬蹶遂死之永樂初追封崇安侯謚壯節

### 譚啓宗

字敬先知安慶之明年夏六月寇至鎮卒不  
戰以潰寇退啓宗倡僚幕之官撫殘傷遺民固

守三越月或曰郎府無兵甲寇出沒難測未若  
還請命于省府君不聽又明年我師三戰陳氏  
皆大捷友諒中流矢死吳國公憫江夏屢年困  
迫于戰鬪不忍加之以兵謀以其人將命諭之  
敬先往焉後  
陳理果降

### 譚廣

洪武中保定後衛指揮使精熟武藝勤練士卒  
兵威大振民咸安堵云以左都督鎮守宣府逾  
二十忠勤寬大士卒  
畏服有古名將之風

### 譚濟

字濟翁湘潭人宋學士世績後裔濟少力學元  
末湖湘騷動濟集衆捍鄉邑尋歸胡大海於建  
安署為萬戶從王元帥敗陳友諒軍于江西復  
從擊張士誠軍于龍潭洪武元年從胡左丞平  
昌國海寇又從徐指揮北征至北平遂屬常遇  
春追伊蘄丞相軍復從文忠赴大將軍徐達于



慶陽已而由代踰鴈門拔大同至馬邑敗二國  
公軍追至雲中明年出居庸夾擊雲州戰駱駝  
攻上都攻應昌等處所至俘獲以功受賞尋又  
領軍擒鹽徒六百餘人破葉保五却吳達三等  
寇時從征者多乘時剽掠惟濟秋毫無犯云

譚有得

安仁人洪武間任揚州府知府後陞  
四川按察使詳慎刑獄廉介有聲

譚子發

茶陵人洪武癸酉領鄉薦英敏善屬文初授  
國子博士歷陞祭酒嘗撰梅子洲賦時祭酒

孔克堅王顯宗訥魏觀後禿居成均而子  
發繼之克自樹立文章模楷士林稱之

譚佑

四川清流人嗣新寧伯克京營總兵恭  
慎守法好禮累加太保太傅謚莊僖

譚彥芳

高明人洪武進  
士監察御史

譚清

南豐人永樂初知旌德以摘奸鋤強為務百姓德之徵拜給事中民詣闕乞留從之又三年而去

去

譚溥

字澤民昌邑人宣德中舉進士任刑部主事陞山東苑馬寺少卿判除馬政之弊邊用仰給累

官陝西左布政使清介自持天順間為南戶部侍郎卒敕封諭祭

譚紀

字廷憲遂州人孝友性成父志聽有足疾左右扶持四十年不少間父沒泣血三年不御酒肉

建思親堂望親臺時復悲哀至老不替焉

譚玉瑞

字雅祥茶陵人弘治癸丑進士仕行人進司正性坦直處困無戚容居官簡約捐潔妻子

僅足自給無私蓄也奉使寧藩絕餽遺至居家睦族置義倉設祭田

譚續

字元孝遂溪人正德丁丑進士歷副使弟繼字元立嘉靖戊戌進士歷副使

譚閻

字朝言遂溪人正德辛巳進士歷僉事

譚榮

字朝器涪州人嘉靖戊戌進士歷副使

譚大初

字宗元始興人嘉靖戊戌進士歷刑部尚書

譚綸

字其理宜黃人嘉靖甲辰進士歷官太子少保兵部尚書謚襄敏

譚

唐

譚浚

祠部郎中

元

譚澄

交城令有文谷水溉田為郭帥所專澄決水均其利于民豪民有持吏短長為奸者察得其主

名皆以  
法治之

明  
潭子敏  
任南豐人洪武間  
仙遊教諭

潭本濂  
衡山人宣德  
中任縣丞

潭貴  
華陽人成化間福  
建漳平縣知縣

潭淙  
歸善人嘉靖中  
任連城縣知縣

覃  
從南切嶺南本譚  
氏避難去言為覃

北  
覃元先  
南海人初無名勇力善騎射齊末反者四起  
元先召募民兵為鄉邦衛據有番禺梁高祖

興王日慶州刺史李堅遣人說下之使歸梁高  
祖召見謂曰公當立勲業書彛常奈何無名乎

唐

覃行璋

涪州刺史

元先遂改名拜東寧州刺史在任累著戰伐功  
加雲麾將軍侯景反元先與賓化侯蕭雲討之  
擒斬賊將所向無前會元  
先卒于師雲遂遁歸南海

覃登龍

開慶進士  
慶遠人

覃光佃

清遠軍融州人方髫年岐嶷異常人以神童  
日之既弱冠充郡庠弟子員凡子史百家過

目成誦登開寶初進士授監察御史忠言日進  
彈劾無避權勢正論侃侃人無間言京師呼為

直御史時北敵屢犯邊三疏上累詔優之知武  
騎尉知鴈州軍州事既而陞沿邊都總管兼勸

農公事使外籌邊策內肅朝儀內外倚重馬進  
階銀青光祿大夫檢校太子賓客歷官三十餘

載以身殉國知無不言言無不盡垂老乞歸先疏皆溫詔留之復覓骸骨懇切乃詔特進先

祿大夫上柱國賜  
紫金魚袋致仕

覃懷

寶祐中為黃州刺史李節繼之  
先後奏建二程書院于河東

覃日嚴

登州人

明覃達

石門人從枝江偽陳萬戶甲辰歸附乙巳除荆  
州衛副千戶洪武十二年調征四川黃坪寇奮  
不顧身殺賊數人而死以忠勇功賜營葬于大  
漢坪後累贈衛州衛指揮使改長沙仍以此為

籍云

覃衡

平南人洪武間舉人就祿職後官  
至監察御史振肅百僚朝野聞名

覃忠

長陽人洪武中  
任工部主事

覃休

巴陵人宣德中  
任肇慶府推官

覃永

遼安人弘治中  
石泉縣知縣

覃應元

大同人嘉靖  
乙丑進士

湖廣宜都  
縣有覃姓

談

弘農徵音子姓殷王帝乙長子微子啓周武王封之  
于宋傳國三十六代至談君為楚所滅子孫以國為

氏望出梁  
國廣平

周

談生

宋人

欽定四庫全書

卷六十六

漢

談巴

征東將軍

晉

談元

將軍

談銖

會昌進士

唐

談戡

曲阿人官至長洲尉有詩名與包融等十八人為詩殷璠彙次為丹陽集

談莘

德清人嘉泰進士

宋

談堯叟

談誼

俱廣德人登科

明

談士奇

長沙人洪武中任湖州府知府作興學校恩惠外孚



談俊

德清人成化進士歷按察副使

談達善

德慶人南京太僕寺丞

談錄

武陵人自祖子隆以下曰文亮曰興曰惟福曰志貴曰仲旻至錄十世不分居成化間有司嘗

以事上聞今子孫數傳猶守家規不變

談一鳳

字文瑞無錫人弘治壬子舉於應天任桂林府學訓導嘗承委纂修孝廟實錄督學姚鏌

謂有吏才深器重之時建宣成書院選八桂儒士延師分教推鳳總理其事乃嚴立教條析疑義正文體每勵諸生以明體適用之學綽有蕪湖遺風以外艱歸復除進賢尤為士所敬服今列名宦祠祀之摧應山尹多惠政邑人顏本述父老之言為遺愛碑

談綱

字憲章無錫人成化己丑進士歷知府

談詔

字朝宣上海人成化辛丑進士歷副使

談倫

字敬仲上海人弘治進士正德中任湖州知府矜恤民隱奏免無徵米湖人世戴之

談愷

字守教無錫人嘉靖丙戌進士歷官左都御史總督兩廣軍務贈兵部尚書

甘

渤海宮音夏時侯國周封王子帶于甘昭公是也書有甘誓又望出丹陽

殷

甘盤

高宗學于甘盤

甘蠅

古之善射者彎弓而飛鳥下

周甘茂

下蔡人為秦左相秦王嘗使之約魏以伐韓宜陽陽茂恐王聽讒見疑王遂與盟于息壤卒拔宜

陽後復仕  
齊為上卿

甘羅

茂之孫年十二事秦相呂不韋秦欲使張唐相  
然唐不肯行羅說而行之乃使羅于趙趙王郊  
迎割五城以廣河間羅還報秦封  
羅為上卿復以茂之田宅賜之

甘德

明文天

甘龍

與衛鞅爭變法曰緣法  
而治者吏習而民安之

漢  
甘延壽

字君况郁郅人少以良家子善騎射為羽林  
校石超距絕于等倫為郎稍遷至遼東太守

元帝時與陳湯奉使西域  
副斬郅支單于封義成侯

甘英

永元九年為班超掾超遣之窮臨西海而還凡  
前世所未至山經所未詳者莫不備其風俗焉

甘始

方士也率能行容成御婦人或行小便或自倒懸愛畜精氣不極視大言甘始左慈延年皆為

操所戮問其術而行之君達號青牛師皆百歲及二百歲也

三甘寧

字興霸巴郡人少有氣力好游俠仕吳為孫權將開真善計略尤輕財敬士嘗從周瑜拒曹操

于烏林攻曹仁於南郡屢立戰功時稱江表虎臣及卒權痛惜之

晉甘卓

字季思丹陽人仕為歷陽內史外柔內剛為政簡要嘗以梁州刺史鎮襄陽善于綏撫西土稱

其德政累爵至都亭侯

南甘戰

字伯武從許君學道傳以金丹妙訣陳大建元年駕麟車乘雲而去宋政和中封精行真人

甘濬之

撰本草方三卷

唐甘伯宗

撰名醫傳十卷

宋

甘夢英

登進士調古田簿選為刑部郎平反冤獄直聲大振賈似道為相上書陳准襄攻守策不

報棄官歸

甘泳

字泳之崇仁人讀書不拘繩尺尤工於詩稱之者謂高不誕深不晦直不近勁不麗全體似李

賀而不涉於怪怪奇奇嘗賦襟言一首凡一千四百字隨事起義隨義鍊句古今大篇未或過之泳性剛正不與時俯仰平生不娶如林和靖元至元庚寅卒所作甚富鰲溪刻本凡七百三

十餘篇號東溪集

明

甘霖

懷寧人洪武丁卯鄉薦為監察御史剛介持正敢言中臺推重之北平後被執求死從容受戮

子孫相戒不復求仕至今微弱正德中知府胡績宗祀之鄉賢祠

甘節

字克信保昌人家貧力學登洪武乙丑進士坐累戍楚雄薦起為瑞州訓導深明易理訓學者從事根本不尚浮華後學宗之在瑞十有八年瑞人德之

甘澤

為開州人號東閣先生與其弟潤俱以純孝稱自為兒時凜若成人能以色養歷官御史廣西憲副常分祿以奉既而謫滁州天順改元召還至張秋聞父訃痛哭躡蹠幾絕徒跣三百餘里歸葬遂廬墓側蓬首垢面旦暮泣奠盡哀期年有免及蛇游墓傍馴擾如常弟潤事母郝氏亦篤孝成化間有司以

開兄弟並蒙旌表

甘田

豐城人永樂進士

甘瑛

豐城人正統間知嘉興府事興學校舉廢陞時軍衛橫取其弊日甚瑛奏革之海門山民恃險

為非瑛復奏移近地而籍廢寺之田給焉

甘元雋

字舜登任定陶教諭陞知縣耿介不阿不能善事上官遂罷歸行李蕭然杜門謝客手不

釋卷

甘華

江西豐城人成化間知冠縣法令嚴肅吏民畏服修城郭展學基六年陞濟寧知州

甘公亮

字君乘永新人正德戊辰進士歷知府

甘為霖

字公望富陽人嘉靖癸未進士歷官工部尚書

甘一驥

豐城人隆慶戊辰進士

南

汝南衛靈公之子公  
子邽字以字為氏

周

南容

孔子  
弟子

南文子

衛人為大夫昔智伯欲伐衛乃遣以野馬四  
白璧一衛君悅羣臣皆賀獨文子有憂色衛

君曰大國歡而子有憂色何文子曰無功之賞  
無力之禮不可不察也衛君以其言告邊境智  
伯果起兵而襲衛至境而反  
曰衛有賢人先知吾謀也

南遺

魯大  
夫

南蒯

季平子立不禮于南蒯南蒯謂子  
仲曰吾使季氏而歸其室于公子

漢  
南竭

北平  
太守



南季

善箕

南纂

平昌太守

南韜

雍州刺史

唐

南霽雲

頓丘人張巡守睢陽霽雲從之巡遣乞師于賀蘭進明因食拔所佩刀斷一指血淋漓以

示一座大驚知賀蘭終無出師意即馳去將出城抽矢射佛寺浮圖矢著其上碑半箭曰吾歸

破賊必滅賀蘭此矢所以志也  
睢陽陷與巡俱死于賊

南承嗣

頓丘人霽雲之子七歲授婺州別駕歷施州刺史柳宗元稱其服忠思孝無替負荷轉浩

州

南中

巴州人攻詩隱  
居平涼仙洞

南伯逢

宋

南楚

南朝英

仁和人乾道  
二年進士

南翥

登進  
士第

明

南釗

字希古渭南人天順進士生而岐嶷  
穎異好讀書家刻苦歷河南右叅政

南鏜

字彥聲商州人成化進士由吏部主事歷左布  
政使以忤逆瑾繫詔獄尋復職告歸雖貴顯如

窮居為文冲淡  
說理不喜浮詞

南漢

字天章渭南人釗之次子弘治甲子舉人除長山教諭遷國子監助教廉靜敦慎為司成石公

所器重陞撫州府通判究心竭力以為之積勞三年成疾而卒吳中士庶莫不德而哀之

南金

字楚重渭南人博學有文由貢士授新野縣訓導沉毅莊重居無笑言平生不近聲色揚善不

言人過在鄉在官俱身為學者師

南真

蕭縣人早喪父事母孝母病終真廬墓三年寢苫枕塊哀痛迫切鄉人稱其孝

南大吉

字元善金子正德辛未進士歷紹興府知府幼穎敏知學初以古文鳴世入仕尚友講學

探討日邃為學者所欽

南壽

字仁夫蒲城人正德丁丑進士歷知府

南逢吉

字元貞渭南人嘉靖戊戌進士歷提學副使

嘉靖癸丑進士南軒字叔後大吉子歷文選司郎中陞副使子憲仲萬歷甲戌進士

藍

汝南微音今之藍田又望出東莞

周

藍尹璽

楚大夫

藍諸

中山大夫

漢

藍敏

著重真記一卷

唐

藍采和

仙人常于長安市攜藍而歌曰踏踏歌藍采和世界能幾何紅顏三春樹流年一擲梭古

人混混去不返今人紛紛來更多朝騎鸞鳳到碧落暮看桑田生白波長景明虛在空際金銀

宮闕高  
嵯峨

藍喬

龍川人後遊洛陽布衣百結入酒肆中一飲數  
斗常置紙百番于足下令人片片拽之無一破

者益身輕也語人曰吾羅浮山仙人一日復置  
紙于足下令人取盡足浮風雲脩脩而去有仙

鶴南來歷歷  
聞笙簫聲

宋  
藍承

天聖中興趙誠家宜陳仇于泉州朱明院讀書  
後皆登科同時為列卿故朱明院有四卿堂

藍元威

宋朝人有詩名其寒詩云朔風陣陣送將來  
日午柴門半不開謝照只教添短褐孟光重

喚腹深孟苦吟簷角玲瓏玉閣撥爐頭楮灰  
移步東籬紅日晚細看凍蝶尚依梅其霜詩警

句云溜泉盡作龍鍾結匝地  
渾消鴈翅高皆為時所稱

藍奎

字秉文程鄉人性強記書不再閱家無圖史或假于友越宿則歸之問之輒能成誦嘗有詩云

懶思身外無窮事願讀人間未見書其志學如此第進士官文林郎嘗授詔校文福州文章氣

節稱為藍夫子云

藍方

號養素先生修道南嶽

藍成務

端拱登科

藍師稷

朝散大夫知撫州

藍光

字仲晦江西人嘗受業於吳澄之門初為安南路知事江西臨光入閩轉行省照磨尋陞檢校

綜理閩清邑事邑民懷之改行省都事時八郡騷擾陳叅政方事興復光總藩幕獨審審持正

偶一言不合遂拂衣而退曰吾豈貪祿者哉省  
憲交章薦之會國朝兵南下全閩弗守光深衣  
幅巾隱居教授越三十二載卒光清澹寡欲延  
接士類不苟假借善詩文考古制度尤加精密

明

藍山

字靜之崇安人洪武中任博士學詩於  
杜清碧有藍山集衆體兼備足追風雅

藍澗

字明之崇安人先從三山清源林先生學春秋  
又從兄武夷山長靜之學詩於清碧杜先生洪  
武十一年以明經舉任廣西按察司僉事清廉  
仁惠著於一道與兄靜之有詩若干卷並行於

世

藍道立

湖廣人永樂進士

藍必寧

福建人永樂進士

藍洪

字宗浩鄧州人成化中進士任贊皇知縣有惠政入祀本縣名宦祠陞廣德知州均定里甲之

役以遺利澤轉南京禮部員外郎

藍應

福建人成化進士

藍章

字文繡即墨人成化間舉進士為御史按兩浙山西彈劾不避轉左僉都御史忤逆瑾左遷通判撫州瑾敗復起巡撫陝西時蜀保兒寇掠漢中章選將練兵殲其首惡餘黨悉平漢中立祠

祀之仕終南京工部侍郎為特名臣

藍馥

浮梁人成化間知五河縣賞善罰惡興利除害起集場置義倉改知山陽縣

藍郁

字國馨鹽城人登弘治進士初知祁陽以才堪治劇改任崇安郁操履清白愛民好士其為政



大率以厚風俗祛民患為急民有訟者往往以疾義言動之不俟刑罰而自無不服甫一載以疾

卒于官

**藍純**

江陵人應貢將赴南雍以父老不行知府吳彥華曰只此一念可當孝子父卒廬於墓側不忍

歸士林  
避之

**藍瑞**

字伯麟洪之孫正德中舉進士任青州府推官莅政廉明轉南京刑部郎鞠獄多所平反不避

豪惡數歲疑獄能以數言決之陞知漢中府單騎赴任二年百廢俱舉惟村直自執不為時所

容比歸未嘗有餘貲治產業惟讀書課子尤喜玩易及陶杜詩所著有日省篇求仁錄名言錄

端南稿  
藏于家

藍渠

字士張興化衛人正德丁丑進士歷郎中

藍濟

字用揖候官人嘉靖乙未進士歷知府

藍田

字正甫即墨人嘉靖進士都御史

藍壁

字完卿高安人嘉靖丁未進士歷布政

聃

風俗通文王第十子聃季之後

周聃季

聃啓

周大夫

鄭

祁姓子爵少昊之後

周 郊子  
魯人仲尼師之

明 郊微  
眉州人成化中任建平縣丞

郊開  
陝西徽州人弘治中撫寧縣主簿

儋

周 儋翹  
周大夫

三 見姓苑

元 三寶柱  
字廷珪輝和爾人知瑞安州鋤剔強梗撫安羸弱興學校均役賦辦析詞訟咸得其情除

兵部員外郎出為浙東副使

明 三庸道

應州人正統中  
任祁門縣丞

三成志

桃源人正統中  
江陰利港巡檢

叅

宋

叅徐

南城人紹興進士

嵐

一作蜀音攜

五嵐

閩去聲

澹

水名見姓苑

明 澹文昇

潮陽人宣德間  
長陽縣知縣

淡

明

淡成

鄆人洪武三十四年  
革除時海鹽知縣

淡源

海康人永樂舉人

淡珣

廣西人宣德間  
汀州府推官

淡欽

和順人宣德中  
青州府照磨

淡恭

涇陽人景泰舉人  
任山東莘縣教諭

淡廣

柳州人成化間  
鎮海衛千戶

譚

狼潭之後漢書武落鍾離  
山黑穴有楚氏譚氏相氏

堪

見姓苑八元  
仲堪之後

男

夏后有  
男氏

鹵

音覃見直音

覃

音覃見直音

含

見姓苑

鹽

音鹽見直音

驂

見姓苑

萬姓統譜卷六十六